

花何

又

社雨晴時燕子飛  
園林何許覓芳菲  
江山良是人誰在  
天地無私春又歸  
殘史有期成汗簡  
修門卽日挂朝衣  
人生念念皆堪悔  
敢効淵明歎昨非

江亭

千載濤江上書生  
誦所聞鑄形尊越蠡  
抉眼悼荆貞  
高鳥衝煙沒輕舟  
壓浪分何由從此  
逝揮手謝諸君

對食

天賦元無滿谷羊  
不煩梁肉汙龜腸  
忽逢客釜蕪羹美  
遙憶山厨麥飯香  
正有一簞元自足  
縱嘲三韭亦何傷  
江邊煙岫參差路  
便喚漁舟莫治裝

飽食

飽食無功媿汗青  
燈前顧影歎伶俜  
馬衰猶養疑知路  
龜久當捐爲不靈  
腰下徒誇綬若若  
鏡中何止髮星星  
石帆回首初非遠  
要及清秋斲茯苓

記夢

旅夢遊何地  
分明禹廟傍  
不嫌村餉薄  
但愛野蔬香  
筍市連山塢  
菱歌起夕陽  
一蓑元所樂  
枉道嬾衣裳

初夜暫就枕

街鼓鼕鼕欲斷時  
官閑惟與睡相宜  
寒帷臥看初升月  
轉枕重思未穩詩  
偃仰少安真得策  
欠伸徐起頓忘疲  
悠然已在羲皇上  
莫遣兒曹取次知

次林伯玉侍郎韻賦西湖春遊

西湖一別不知年  
陳迹重尋麥嶺邊  
山遠往來雙白鷺  
波平俯仰兩青天  
殘骸自覺難支久  
一

笑相從亦宿緣  
旅食京華詩思盡  
羨公落筆思如泉

湖中微雨戲作

搓罷青梅指爪香  
一盃聊復荅年光  
莫言老子無人顧  
猶得西施作淡粧

與兒輩泛舟遊西湖一日間晴陰屢易

逢著園林卽款扉  
酌泉鬻筍欲忘歸  
楊花正與人爭路  
鳩語還催雨點衣  
古寺題名那復在  
後

生識面自應稀  
傷心六十餘年事  
雙塏依然在  
翠微

贈呂次翁 杖

君得金丹雖未仙  
放翁邂逅與忘年  
空能處處誇詩句  
不解時時贈酒錢  
馬駿極知生冀土  
鶴飛曾見上遼天  
爾來筆硯塵埃滿  
剗欲相從乞一聯

得子聿到家山後書

日日春陰愁出戶  
汝今恰遇十分晴  
桑林紫葚纍纍熟  
稻壠青秧漫漫平  
夢好定知行路健  
書來深慰倚門情  
柯橋道上山如画  
早晚歸舟聽舫聲

題空壁

小屋閒坊旋卜居  
老人也看作吾廬  
客知貪睡多畱刺  
兒未來歸自檢書  
草賦萬言那直水  
屬文三紙尙無驢  
京塵日念家山樂  
況值腰鎌割

麥初

又

殘髮蕭蕭不滿簪  
衰年亦自惜光陰  
作碑諛墓已絕筆  
紬史藏山猶苦心  
穿破綠錢多擘筍  
驚飛紅雨有幽禽  
北窗睡起摩挲眼  
更覺清風直萬金

又

一櫂秋風去已遲  
釣竿恐失野人期  
朝回補睡

尋幽夢客去偷閑練近詩浮世本知緣苦薄頹  
齡已與志俱衰平生所慕孤山老剗欲懷茶奠  
舊祠

小飲

門生嘲喜眠官長罵耽酒人生自適爾嘲罵亦  
何有蒸我乳下豚翦我雨中韭盃盤雖不豐吾  
兒起爲壽車馬滿長安誰肯顧衰朽作詩付汝  
藏千金珍弊帚

贈傅神水鑑

寫照今誰下筆親喜君分得臥雲身口中無齒  
難藏老頰上加毛自有神誤遣汗青成國史未  
妨著白號山人它時更欲求奇迹画我溪頭把  
釣緡

春晚

新綠成陰小雨時幅巾蕭散與閑宜燕歸赴訴  
經年別鶯晚分疏出谷遲曉枕呼兒投宿酒莫

窗留客算殘棋  
條然此意風塵表  
正恐羲皇未必知

天竺曉行

三茆聽徹五更鐘  
二竺穿窮九里松  
無復官樓沽酒美  
但煩湖水照衰容

又

筍輿咿軋水雲間  
慙忙身得暫閑堪  
笑風中一黃葉  
知看天外幾青山

初見石榴花

吳中四月尚餘寒  
細雨霏霏怯倚闌  
老子真成興不淺  
榴花折得一枝看

夢遊

太華峰頭秋氣新  
醉臨絕壁岸綸巾  
世間萬事惟堪笑  
禹跡茫茫九片塵

又

九秋風露洗頭盆  
萬里雲煙腰帶鞵  
小瓮松醪

知己熟與君爛醉不須醒

又

客途幽夢苦淒淒滿眼山川意却迷  
條華朝驅雲外騎河潼夜聽月中雞

江亭晚息

本自無閑況有忙遠坊兀兀送年光  
太空不礙雲舒卷高枕寧論夢短長  
山破霽煙千萬疊鳥橫潮浦兩三行  
年來自笑詩情減愁絕奚奴古

錦囊

上章納祿恩畀外祠遂以五月初東歸  
身似霜松老不枯乞骸猶得侍清都  
百錢濁酒渾家醉六月飛蟲徹曉無  
美睡不愁閑客攪出遊自有小兒扶  
買山尚恐巢由笑敢問君王覓鏡湖

又

黃紙淋漓字似鴉卽今真箇是還家  
園廬漸近

湖山好鄰曲來迎鼓笛譁邊實傍籬收豆莢盤  
蔬臨水采芹芽皇家養老非忘汝不必青門學  
種瓜

又

羣玉峯頭孤夢斷五雲溪上野舟回傍人鷗鳥  
自然熟到處藕花無數開麥飯不饜常面槁柴  
門閑掩自心灰雨來正作益山地不怕冥冥半  
月梅

又

身是風前一斷蓬經年竊食竟何功倚天青嶂  
迎船出撲馬紅塵轉眼空網戶餉魚勝丙穴旗  
亭送酒等郫筒死前幸作扶犁叟免使淮南笑  
發蒙

又

此身惟有一躬畊乞得餘年樂太平東觀竝遊  
收昨夢西湖重到付來生一堤草露明晨照半



浦荷風颭晚晴歷歷歸途皆勝事江亭先聽櫂  
歌聲

江亭

旅食京華興已闌喜扶衰憊出重關江波蘸岸  
綠堪染山色迎人秀可餐濠上觀魚非至樂管  
中窺豹豈全斑此行便問天台路剗采靈芝換  
病顏

題三茆邵道士雲隱

興盡當年句曲秋却歸菴画弄扁舟有時信脚  
來沙際拾得殘雲補破裘

又

尙嫌勾漏養丹砂況種劉郎去後花菴画溪頭  
雲萬頃不知何處是君家

受外祠敕

放浪江湖迹已陳今朝剗喜結銜新讀騷未敢  
稱名士拜賜猶應號散人歸去還騎欵段馬醉

顛重岸接離巾行行漸近雲門寺愈信人生有  
宿因

感寓

人生難控搏古謂七十稀壽夭雖小異要亦同  
所歸君看衙山日耿耿有餘暉投床方息偃晨  
起復求衣萬家同一役負水關門扉知叟與愚  
公畢竟孰是非

又

老氏有至言所貴知我稀鄙夫急自衒豈復擇  
所歸君看珠在淵草木偕光輝所以古達人懷  
玉被褐衣吾廬大澤中歲苦水半扉朱門固自  
好我亦未必非

肉食

平生愛枯淡老病未免肉殺戒苦難持貪境則  
易熟鄙夫五鼎少達士一瓢足紛紛刀机間斷  
者豈復續習聞謂當然乍見可痛哭長安多貴

人得此試一讀

贈成封州 鏞

綠髮臨邊固已奇不應顛顛客京師極知自有  
封侯骨但要無忘畊壠時意氣覆瓿書捷布風  
流橫槩賦新詩平生每恨相從少滿眼關山又

語離

予以壬戌六月十四日入都門癸亥五月  
十四日去國而中有閏月蓋相距正一年

矣慨然有賦

三百六十日扶衰得出都略無新伎倆仍是舊  
形模世事蠻攻觸人情越事吳勿言尊菜老犧  
權醉湘湖

又

一百七十里我行誰謂除期年初去國度宿卽  
還家事似談春夢身如寄客槎石帆村好在重  
理舊桑麻

雨中別同朝諸公

今日別交舊街泥盈尺深極知當作惡追恨闕  
相尋笑語門幽夢江山入苦吟新秋纔一月畱  
句待清砧

又

雨點萬珠落水聲羣馬奔纔能脫危歸未遽定  
驚魂一掃枕中夢卽歸江上村村醪莫嫌薄隨  
事有雞豚

出城

羈枕不成寐羸驂曉出城驛門深閉草苑樹密  
藏鶯老病安閑散疎慵負聖明津亭凝望久惟  
是待潮平

宿北錢清

晡時理舟楫甲夜泊錢清壘餅依然美店家壘  
已六十漁燈特地明酒旗闌道出風浪拍船鳴  
未說鄉閩喜江山亦有情

老伶

老伶頭已白相識不論年時出隨童稚猶能習  
管絃煙林梅市路風幔放翁船餘酒堪同醉君  
無憺醉眠

舟行錢清柯橋之間

逾年夢想會稽城喜挂高帆浩蕩行未見東西  
雙白塢先經南北兩錢清兒童鼓笛迎歸艦父  
老壺觴敘別情想到吾廬猶未夜竹間正看夕

陽明

寓蓬萊館

道山方夢斷稅駕復蓬萊海上弭應乳遼東鶴  
已回客驚添鬢雪自笑久心灰底事妨人睡樓  
頭算角哀

乍自京塵中得歸故山作五字識喜

門巷如秋爽軒窗抵海寬初還綬若若已覺面  
團團引睡拈書卷偷閑把釣竿人生快意事五

月出長安

初歸雜詠

雪滿魚叢雨墊巾  
超然無處不清真  
胸中那可有一事  
天下故應無兩人  
騎馬每行秋棧路  
喚船還渡莫江津  
酒樓僧壁畱詩徧  
八十年來自枉身

又

齒豁頭童儘耐嘲  
卽今爛飯用匙抄  
朱門漫設

千盃酒青壁寧無一把茅  
偶爾作官羞問馬  
頽

然對客但稱貓  
此身定向山中死  
不用磨錢擲

卦爻

磨錢擲卦爻蜀龍昌期語也

又

八十可憐心尙孩  
看山看水不知回  
輒炊香甑桃花飯  
淺酌清尊竹葉醅  
平地本知多陷阱  
羣兒隨處覓梯媒  
曠懷只待秋風起  
十丈蒲帆海上開

又

換盡朱顏兩鬢皤  
流年如此奈君何  
早從學問求開益  
晚悟文章要詆訶  
每憶壯遊成獨笑  
間逢老伴亦高歌  
更餘一恨君知否  
千載涪溪石未磨

又

窗下初收剝啄基  
疎簾窳地晝陰移  
下巖石潤揮毫後  
正焙茶香落磴時  
癯老入朝元是籍  
期

年決去已爲遲  
天公賦予誰能測  
只吝功名不吝詩

又

小園五畝翦蓬蒿  
便覺人間迹可逃  
盡疏珍禽添爾雅  
更書香草續離騷  
藥苗可斲攜長鏡  
黍酒新成壓小槽  
老入鷓鴣行方徹  
悟一官何處不徒勞

又

乞得身歸且浩歌蕭然生世寄漁蓑茶甘半日  
如新啜墨妙移時不再磨山寺蹋雲頻獨往鄰  
家穿竹自相過碁枰勝負能多少堪笑傍人說  
爛柯

劍南詩彙卷第五十三



劔南詩彙目錄

卷第五十四

湖上急雨 夏日獨居 溪上夜釣 幽

事 夙興 文章 閒遊四首 夏日 靖

蜓浦夜泊 幽興 避暑近村偶題 南

堂夜坐 立秋前一夕作 憶筭 自嘲

夜坐庭中 養生 飲酒近村 遊山

四首 聞蛩二首 入秋遊山賦詩略無間日

NATIONAL CENTRAL LIBRARY, TAIWAN, R.O.C.

戲作五字七首識之以野店山橋送馬蹄

為韻 村居首四 六藝示子聿 七月十

七夜五更起坐至旦 書懷首四 湖上秋

夜 書感 示兒 書適首二 放慵 登

臨 寓歎 居家 舟中作 築舍 雜

感首五 送陳懷叔赴上臯酒官却還都下

歸三山人秋益涼欣然有賦 子聿至

湖上待其歸 晚行舍後 秋夜讀書有

感首二 治圃 村醉 病臥 書悔 航

海 黃犢 秋夜 目昏頗廢觀書以詩

記其始時年七十九矣 假山擬宛陵先

生體 秋興首二 湖上夜歸 晨起 飯

飽晝臥戲作短歌 孤學 自嘲 試筆

秋思首三 晨起偶得五字戲題彙後

野步 喜聽 自箴 自喜 自詒首二

對酒示坐中 秋晚衰疾稍平聊識喜懷

偶出至近村 書宛陵集後 鄉居

重九無菊有感

劍南詩藁卷第五十四

湖上急雨

谿煙一縷起前灘急雨俄吞四面山造化等閑  
成壯觀月明却送釣船還

夏日獨居

平生本清淨垂老更蕭然已罷客載酒亦無僧  
說禪空庭朝下鵲密樹晚鳴蟬長日君無厭新  
秋近眼邊

溪上夜釣

少時妄意學金丹八十谿頭把釣竿  
露溼菱殼姑惡哭煙深沙渚鷺鷥寒  
登臨每歎乾坤大強健猶應歲月寬  
作意清吟未須厭如山殘橐後人看

幽事

曳杖驚林鵲投竿罾澗花若非詩滿卷  
只道夢還家開士分朝飯隣翁喚午茶  
悠然吾事足歸

路竝山斜

夙興

幽夢回千里高城轉五更窗虛送月落  
竹動喜風生自笑行安往猶息坐待明  
郊居少僮僕手自闢柴荆

文章

文章在眼每森然力弱才疎挽不前  
前輩不生吾輩老恐畱遺恨又千年

閑遊

觸熱辭行在扶衰返故丘亂蟬催落日病葉報  
新秋秣蹇投山驛尋詩倚寺樓不因行萬里那  
信此生浮

又

剡縣有佳處吾行無定期橫塘供晚釣孤店具  
晨炊約客同看竹畱僧與對茶人生得自在更  
老未爲遲

又

我出亦何急輟行還悵然輕裝幸已具老健更  
誰先野飯聊支日山蔬不直錢此生終樂死何  
以報皇天

又

已破京塵夢還尋剡曲遊戴星離古戍衝雨憩  
山郵壁認曾題字門橫笱渡舟經行固多感隨  
處寄悠悠

夏日

赫赫炎威日正中  
冰絃笛簟欲無功  
一心願伴沙頭鷺  
百計難呼木杪風  
纖手削瓜刀似水  
小甕分酒盞如空  
洗心幸有高樓月  
少待寒光出海東

蜻蜓浦夜泊

風雨忽如秋已深  
短篷今夜繫楓林  
溪翁那問市朝事  
蔬食不生盃炙心  
橫截煙波飛健鶻  
遠

投沙渚落羈禽斯  
遊誰道傷幽獨  
猶有殘鐘伴苦吟

幽興

微官那得繫疎慵  
幽興渾如社酒濃  
埽盡塵埃無一點  
洗空幻翳有千重  
百年到處俱羈客  
萬里從來付短筇  
身在有餘真妙語  
盃羹何地欠秋菘

避暑近村偶題

乞得身歸荷聖時登臨筋力未全衰楚祠草合  
三义路項羽廟在項里隋寺苔侵半折碑安隱院也孤店不  
妨藥月宿扁舟頻爲看山移紅塵冠蓋真堪怕  
還我平生白接羅

南堂夜坐

老來日月駛秋令俄更端蟬號晚愈壯螢火流  
空園西風吹衣裳蕭然謝炎官飽食一事無散  
髮坐前軒河漢西南流北斗何闕干坐久光彩  
變缺月涌金盆欲睡復躊躇草棘露已溥徂歲  
何足道死生付乾坤

立秋前一夕作

螢度梧楸徑鳥鳴蒲葦洲寧知八十老又見一  
年秋賀監稱狂客劉伶贈醉侯吾身會兼此已  
矣尙何求

憶谷

憶昔西遊兩鬢青卽今鏡裏雪千莖蛾眉風月

猶關念濯錦鸞花已隔生避暑有時移枕簟畏  
人終日閉柴荆此懷恨欠詩千首且寄秋泉一  
再行

自嘲

外澤裏常粗元知似瓠壺仕因無援困學爲背  
時孤軒蓋愁城市風煙落道途它年遊萬里不  
必念歸吳

夜坐庭中

大澤秋初到荒庭夜自明風雲生有候河漢落  
無聲病得新涼減詩因少睡成高枝有烏鵲栖  
穩若爲驚

養生

稟賦本不強四十已遽衰藥裹不離手對酒盤  
無梨豈料今八十白間猶黑絲咀嚼雖小難幸  
未如牛呵咎雖學養生所遇少碩師金丹旣茫  
昧鸞鶴安可期惟有庖丁篇可信端不疑愛身



過拱壁奉以無缺虧孽不患天作戚惟憂自詒  
攀甃豈不苦害猶在四支二豎伏膏肓良醫所  
不治衣巾視寒燠飲食節飽飢虎兕雖在傷牙  
爪何由施老人不妄語聊賦養生詩

飲酒近村

放翁睡多少行立人扶往赴鄰里集痛飲山花  
插鬢紅醉歸棘露霑衣溼紗巾一幅何翩翩庭  
中弄影不肯眠莫欺此老今衰甚曾見高皇狩

越年

遊山

蕭散湖山路天教脫馬羈蟬聲入古寺馬影度  
荒陂樵唱時傾耳僧談亦解頤偏門燈火鬧不  
敢恨歸遲

偏門會稽城  
西南門名

又

久客喜歸舍況逢秋氣新聊彙行鯨子閑覓佳  
菴人道士青芒屨高僧白氎巾更須苔井水一

爲濯京塵

又

病退行猶倦山坡每少休高枝聞鵲語淺瀨見  
魚遊偶有堪蔡興元無可遣愁悠然又終日爭  
路有歸牛

又

古寺不來久入門空歎嗟僧亡猶見塋樹老已  
無花世事雖難料吾生固有涯慙慙一梳月十

里伴還家

聞蛩

蟬聲未斷已蛩鳴徂歲崢嶸得我驚八十光陰  
猶幾許勉思忠敬盡餘生

又

稽首周公萬世師小儒命薄不同時秋蟲却是  
生無憾名在豳人七月詩

入秋遊山賦詩略無闕日戲作五字七首

識之以野店山橋送馬蹄爲韻

束髮初學詩妄意薄風雅中年困憂患聊欲希  
屈賈寧知竟鹵莽所得纔土苴入海殊未深珠  
璣不盈把老來似少進遇興頗傾瀉猶能起後  
生黃河吞鉅野

又

我管西遊邊萬里持一劔風飡不自恤露宿未  
嘗厭棧危餘漢燒山斷有秦塹敢誇胡羊美但

懷巴酒醞回首四十年遠遊每關念秋風跨蹇  
驢尚喜道傍店

又

周南太史公道家蓬萊山塵凡不可料亦復居  
其間屢奏乞骸骨寬恩許投閑羽衣碧玉簡尚  
綴僊官班黃精埽白髮面有孺子顏簡寂吾家  
舊飄然時往還

又

我行剡中路茆店連谿橋驢弱我亦飢解鞍雨  
蕭蕭投床得小憩炊黍烹藥苗舉手謝主人去  
路盤山腰沃洲在何許秋葉紅未凋遊僧不可  
逢聊須問歸樵

又

怕事真驚病老作入都夢頭顱今何似尙復堪  
自送聯裾預登瀛策馬從上雍年衰當亟去恩  
大容力控雖言解朝藉尙予侍祠俸明年卽八  
十日月難把弄著書則已矣努力謀社瓮

又

吾才如蹇人何計逐羸馬吾文如醜女惟藉粉  
黛假向來已歸休異志向林下塊然一愚公初  
不繫用捨國恩定難報衰涕時一灑人本不勝  
天豈復論衆寡

又

驢病比已損秋風輕四蹄朝遊支遁寺莫涉千

金百詩集 十  
吉谿青嶂環孤村綠波溢橫隄吾行本無定所  
至窮攀躋細推亦何樂正類好鍛嵇自今當務  
本春蕪飽鉏犁

村居

白首歸來亦灌畦任教鄰里笑栖栖道心寧感  
兩雌雉生計惟存五母雞不恨閑門可羅爵本  
知窮巷自多泥莫聞鼓角猶人境更欲移家人

剡溪

又

游子從來念故鄉我歸仍得值豐穰粗繪裁製  
襜褕暎肥笋烹調餽飪香對客不妨依几杖呼  
兒時與話畊桑却慙未解真齊物猶揀山村靜  
處藏

又

青藜杖出氛埃外白版扉開水竹邊造物與閑  
仍與健鄉人知老不知年空居每袖持螯手妄

想寧流見翹涎昨夜小庭風露冷菊花消息已  
先傳

又

石帆山下樂誰如八尺輕舸萬頃湖能釀人家  
分小榼愛棊道士寄新圖條枚積地樹雞柵溝  
港接筒澆芋區父子還家更何事斷編燈下講  
唐虞

六藝示子聿

六藝江河萬古流吾徒鑽仰死方休沛然要似  
禹行水卓爾孰如丁解牛老憊簡編猶自力夜  
涼膏火漸當謀大門舊業微如綫賴有吾兒共  
此憂

七月十七夜五更起坐至旦

秋容淡如水昨算到江城世事違高枕年華入  
短檠書中固多味身外盡浮名倚壁方清嘯蓬  
窗已送明

書懷

不飢不寒萬事足有山有水一生閑朱門莫管  
渠癡絕自愛茅茨三兩間

又

老人舉動須扶掖跣婢椎奴少得閑從此漸須  
都畫斷正如避難在空山

又

蝸廬自稱野人居三尺明窗已有餘從此要當

常省事時時小葺欲何須

又

苜蓿堆盤莫笑貧家園瓜瓠漸輪囷但令爛熟  
如蒸鴨不著鹽醃也自珍

湖上秋夜

湖上山銜落月明釣筒收罷葉舟橫不知身世  
在何許一夜蕭蕭蘆荻聲

書感

俗學方譁世遺經寔已微斯文未云喪吾道豈  
其非拔本寧餘力迷途幸識歸新涼起衰疾燈  
火耿郊扉

示兒

得道如良賈深藏要若無冶金寧輒躍韞玉忌  
輕沽儒術今方裂吾家學本孤汝輩能念此努  
力莫枝梧

書適

北崦千梢竹東軒八尺床徧行欣老健熟睡領  
新涼海石陳書几陶詩貯藥囊時時一到眼亦

足傲羲皇

海石英石也東坡詩云海石來珠浦

又

心清絕慾早才薄去官多月下時閑釣雲邊每  
浩歌野堂青草覆山市白驢過也有成功處新  
降百萬魔

放慵



往者畊仍養中間仕易農屢辭身老病每荷上  
矜從進媿門三戟歸無畝一鍾扶持得良藥更  
放幾年慵

登臨

儘道羈懷惡登臨亦解顏健嫌山路淺狂恨酒  
尊慳親友多疎索漁樵自往還有詩仍嬾記零  
落水雲間

寓歎

有位方憂失無家豈念歸賢愚竟誰得今昨雨  
皆非世事無長算人情忽駭機細思如意處惟  
有釣魚磯

居家

爲吏心雖嬾居家力尙餘刈茅支屋漏裁棘補  
籬疎就并磨樵斧持錢鍛藥鉏毋勞歎徒步野  
鶴豈堪車

舟中作

野老元無事  
柴閑偶一來  
微風市樓笛  
落日寺街槐  
梨大圍三寸  
鱸肥疊四腮  
鄰船不識面  
呼與芙蓉盃

築舍

築舍水雲鄉  
蕭然似淨坊  
粥鐺菰米滑  
羹釜藥苗香  
素壁圖嵩華  
明窗讀老莊  
與人元淡淡  
不  
是故相忘

雜感

孔欲居九夷  
老亦適流沙  
忠信之所覃  
豈間夷與華  
況我州閭間  
相視等一家  
老稚各自力  
勉蹈息無邪

又

十月可釀酒  
六月可作醬  
兒曹念乃翁  
左右日供養  
比鄰有老疾  
亦復致一餉  
老老以及人  
此義古所尚

又

肉食養老人古雖有是說修身以待終何至陷  
饕餮晨烹山蔬美午漱石泉潔豈役七尺軀事  
此膚寸舌

又

一氣不遽變雨霽皆有符死非一旦至小疾爲  
前驅人能謹察之豈有倉卒虞哀哉不知此雖  
悔良難圖

又

養生孰爲本元氣不可虧秋毫失固守金丹亦  
奚爲所以古達人一意堅自持魔鬼雖百萬敢  
犯堂堂師

送陳懷叔赴上臯酒官却還都下

奇才初試發硎刀足馬秋風到上臯地近雖同  
三輔重時平無復五陵豪極知穩步煙霄路却  
要微知郡縣勞歸去平津開首燕吐茵應復忤

西曹

歸三山入秋益涼欣然有賦

藥物扶持美食眠鏡湖仍遇素秋天一年強起  
歸猶健百口相看喜欲顛碧瓦朱甍無傑屋烏  
篷画楫有新船道山頂上雖清絕萬頃煙波始  
是仙

子聿至湖上待其歸

舍北犬吠迎歸航老翁待兒據胡床碧雲忽起  
欲吞日黃葉自凋非霽霜十風五雨歲則熟左  
殮右粥身其康豈無深谷結茅屋丈子讀易消  
年光

晚行舍後

略約東邊一徑深杖藜行飯當登臨稷山竝海  
出遙碧禹穴生雲成暮陰殘歲自興遊子感少  
年誰解老人心歸來燈火參差夜倦倚胡床續  
短吟

秋夜讀書有感

妄意斯文力弗勝苦心猶欲付雲仍數編魯壁  
家傳學一盞吳僧夜講燈南犬固應多吠雪夏  
蟲那得解知冰但令吾道常無墜飲水何妨枕

曲肱

蘇東坡詩

又

齒髮凋殘志有餘一編聊復遂吾初老來每恨  
無同學夢裏猶曾得異書家世偏憎慕青紫兒  
童切莫話龍豬正令世世皆農圃廉讓何妨化

里閭

治圃

小圃漫經營栽培抵力畊土鬆宜雨點根稚怯  
鉏聲紅菓方當熟清陰亦漸成每來常竟日聊  
得暢幽情

村醉

髮已凋零齒已疎飽諳成敗更誰如貴人豈得  
常金屋丞相那知起草廬久泛江湖知釣術晚

歸壠畝授農書一尊徑就村翁醉未肯英雄許  
本初

病臥

蕭條風雨又經旬病臥真成不覲隣跨馬難酬  
四方志耽書空盡百年身碧花引蔓緣疎竹黃  
雀呼羣啄破困君見此時風味否肯辭人笑橐

裝貧

書悔

衣食須畊稼無端浪出遊客途南北雁世事雨  
晴鳩蓬轉何時已灰寒善自謀江湖千萬里何  
處欠漁舟

杭海

我老臥丘園百事習慵惰惟有汗漫遊未語意  
先可或挂風半帆或貯雲一舸趁潮亂鳴榔過  
積細扶柁近輒凌煙海自笑一何果邂逅得奇  
觀造物豈付我古湫石蜿蜒孤島松磊砢

雁蕩大龍

湫石如騰龍東海縣境有巨松傳爲堯舜時物湘竹悶娥祠淮怪淡禹

鑲鬼神駭犀炬天地赫龍火瑰奇窮萬變鯤鵬  
尚么麼紛紜旋或忘追記今亦頗作詩配齊諧  
發子笑齒差

黃犢

賣刀買黃犢用以事畊稼淒風山北秋缺月溪  
西夜小童搢竹枝相呼聊一跨秋來作欄成參  
差出林罅青煙起草積微火近茅舍未言東作  
功此景已可畫

秋夜

老覺人間歲月適悄悄窗戶一燈幽讀書已廢  
虛長夜護塞無期負盛秋病齒何堪食梁肉殘  
軀惟念製衣裘重陽臥看登高侶滿把茱萸只  
自愁

目昏頗廢觀書以詩記其始時年七十九  
矣

少時業詩書慕古不自量晨暮間弦誦左右紛  
朱黃積書山崇崇探義海茫茫同志三四人辯  
論略相當落筆輒千言氣欲吞名場忽焉六十  
年綠鬢久已霜食必觀本草不療病在床今秋  
又病目始覺閑味長車馬既不至亦無書在傍  
一坐漏十刻甚倦則倚牆蝴蝶吾前身華胥吾  
故鄉童子亦聽睡不復呼燒香

假山擬宛陵先生體

疊石作小山埋瓮成小潭旁爲負薪徑中開釣  
魚菴谷聲應鍾鼓波影倒松楠借問此何許恐  
是廬山南

秋興

拒霜慘淡數枝紅石竹凋零不滿叢小蝶一雙  
來又去與人都住在寂寥中

又

足力蹒跚少迎客目視昏短常廢書賴是門前



秋水長沙鷗未遽與人疎

湖上夜歸

滿鏡新霜奈老何扁舟日日醉顏醜樂如逐兔  
牽黃犬快似麾兵卷白波霜近菊花猶未見雨  
餘橙子已堪搓湖桑小市人無數爭看山翁擊

檝歌

晨起

戒婢篋衣徹屣屢呼兒滌硯作踰糜須臾開卷

東窗下卽是先生無病時

飯飽晝臥戲作短歌

爲農得飯常半菽出仕固應甘脫粟藜羹自美  
何待糝況復畏人嘲苜蓿今年還東已八十視  
聽雖存鬢先禿安能賣藥謀助道

道流賣藥自給名曰助道

但有知分堪養福水車轉轉鄰餽魚社鼓鼕鼕  
衆分肉可憐老子暫臃脰午睡窗邊自捫腹

里中

車蕩取魚舊例以所得分遺

孤學

孤學雖違俗猶爲一腐儒家貧占力量夜夢驗  
工夫正復安三徑寧忘奏六符殘年知有幾自  
怪尙區區

自嘲

儒生窮事業老去轉荒唐長日中分睡殘年有  
底忙書常嬾終卷詩亦少成章忽棄蓬窗去花  
前又一觴

試筆

清談數語猶疑過平地徐行亦慮危酌酒淺深  
須在我更衣單複要隨時

秋思

烏柏微丹菊漸開天高風送雁聲哀詩情也似  
并刀快翦得秋光入卷來

又

水際柴門一扇開白頭羸病亦堪哀阿誰得似

枕榔杖肯爲閑人萬里來

又

蒼顏莫怪少曾開觸目人情但可哀死去肯爲  
浮世戀此身元自不應來

晨起偶得五字戲題彙後

推枕悠然起吾詩忽欲成雖云無義語猶異不  
平鳴有得忌輕出微瑕須細評平生五字句垂  
老媿長城

野步

場圃農功畢村鄰醉叟多野風吹慘澹海氣起  
嗟峨婦女窺籬看兒童拾穗歌身閑不自樂如  
此算年何

喜晴

一夜霜風掃積陰檐間喚起有鳴禽滿窗零亂  
梧楸影隣巷蕭條雞犬音文史漸宜精討閱湖  
山仍得飽登臨園丁也解娛翁意藝果移花已

滿林

自箴

帶寬非復昔年腰  
頰上餘丹日日消  
切勿更爲兒戲事  
解猿放鶴各消搖

自喜

身閑僊不遠  
食足富何加  
庭臥長生牘  
園開手種花  
狂歌聲跌宕  
醉草筆橫斜  
八十明年是  
衰殘豈復嗟

自詒

病中看周易  
醉後讀離騷  
不解書驢券  
安能問馬曹  
身隨遊宦困  
氣爲屏居豪  
清旦南堂坐  
稽山秋更高

又

莊語畏如俳  
端居要若三  
清虛集心腑  
枯槁見形骸  
自計愚無用  
何傷老不諧  
人生須廣大  
勿作井中蛙

對酒示坐中

綠橙丹柿鬪時新一笑聊誇老健身大度乾坤  
容縱酒多情風月伴垂綸初生京洛逢時泰幼  
度江淮避虜塵八十年間窮不死猶能澗底束  
荆薪

秋晚衰疾稍平聊識喜懷

世事紛紛博局中豈知造物貸衰翁短筇倚壁  
知身健小甌炊粳言歲豐霜近平郊多雁落雨  
頻斷港有船通更餘一事生詩興烏柏新添數

葉紅

偶出至近村

神爽無酣寢身閑有劇棊說詩橫柳栗賒酒挈  
鷓夷寺古殘香冷溪深獨木危往來元信步不  
是赴幽期

書宛陵集後

突過元和作巍然獨主盟諸家義皆墮此老話

方行趙璧連城價隋珠照藥明粗能窺梗槩亦  
足慰平生

鄉居

客問鄉居事久居君自知度橋徵士悔過社旅  
人悲社散家分肉農閑眾築陂牆東新洗竹我  
亦補藩籬

重九無菊有感

重陽未見一枝菊它日菊開生我愁高興亭中

香滿把令人北望憶梁州

高興亭在南鄭子  
城西北正對南山



國家圖書館, NATIONAL CENTRAL LIBRARY, TAIWAN, R.O.C.

金 山 書 局	一 十 八	源 古 圖
------------------	-------------	-------------

劔南詩彙目錄

卷第五十五

記東村父老言 試筆 曠懷 夢行小

益道中首二 秋樹 雜感首六 柳橋秋夜

訪隱者不遇 蒼檜 農家歌 君子

非好異 獨登東巖 灌園 晨起 龜

堂 蜀漢 客有言太山者因思青城舊

遊有作 遊近村 疎雨 秋曉 癸亥



初冬作 兀坐久散步野舍 法雲寺

小徑登東山繚行自西北至溪上 美睡

逆旅 東園 雜感四首 渡頭 小飲

賞菊 與兒輩小集 舍北晚眺 書室

獨處欣然有詠 冬初至法雲 感憤

記老農語 村舍 自述 泊舟湖橋酒

樓下 菴中雜書四首 連日暴下蕭然不

支戲作 大風 野興二首 若耶村老人

霜曉 山澤 遠遊 北窗 醉題

幽居 連陰欲雪排悶 示子聿 項里

溪上見珍禽曰溪鵲相隨數十步不去

冬夜對書卷有感 項王祠 入城 出

城 不入城半年矣作短歌遣興 先大

父以元祐乙亥寓居妙明僧舍後百餘年

當嘉泰癸亥游復假榻一夕感歎成詠

志學 晚行舍北 幽居述事四首 十一

月五夜風雪寒甚燃薪取煖戲作五字

魯墟 曉雪首二 養生 夜讀鞏仲至閩

中詩有懷其人 獨意 十一月十三日

夜作 故人趙昌甫久不相聞寄三詩皆

傑作也輒以長句奉酬 夢中賦早行

兀兀 哺猿 與子坦子聿元敏犯寒至

東園尋梅 示諸孫 題空壁首二 雜言

示子聿 夜坐聞大風 歸老 懷舊絕

不首

劍南詩彙卷第五十五

記東村父老言

原上一縷雲水面數點雨夾衣已覺冷秋令遽  
如許行行適東村父老可英語披衣出迎客芋  
栗旋烹煮自言家近郊生不識官府甚愛問孝  
書請學公勿拒我亦爲欣然開卷發端緒講說  
雖淺近於子或有補耕荒兩黃犢庇身一茅宇  
勉讀庶人章淳風可還古

試筆

用筆如用人利鈍烏可常必欲責其全無乃廢  
所長宣城與晉陵聲價略相當不知今何年森  
然集龜堂和墨若瑩黑擣紙如銀光心手適調  
一運此紫毫鋌前却俱稱意六驥馳康莊聊復  
取一快詎必師鍾張

曠懷

曠懷何啻等沙鷗外物相撻劇火牛若信本心

無一事始知平地起閑愁每逢達士惟長歎欲  
棄浮生尙小畱今旦微霜好風日短筇且領鏡  
湖秋

夢行小益道中

棧雲零亂馱鈴聲驛樹輪囷樺燭明清夢不知  
身萬里只言今夜宿葭萌

又

擇柳林邊候吏迎血塗草棘虎縱橫分明身在

朝天驛惟欠嘉陵江水聲

秋樹

秋風一夜吹橋樹明日來看已非故吳中九月  
霜尚薄落葉半隨飛鳥去老人心事感凋零只  
欲逢秋醉不醒范寬用意真難解偏寫丹楓作  
画屏

雜感

鶴藥軒車已堪歎狐載鬪屨何可親勸君一笑  
掃除盡來作人間百歲人

又

讒口安能作禍基吾曹興廢豈無時向來何事  
令公怒問著渠儂自不知

又

躡危寧瘦驢嶺奔走莫隨肥馬塵困厄終身  
元自好可怜癡子恨無津

瘦驢嶺在施黔間前  
輩或有作驢瘦嶺蓋

誤也

又

一尊易致蒲萄酒萬里難逢鸛鵲樓  
何日羣胡遺種盡關河形勝得重遊

又

老境睡多行立少浮生會少別離多  
安得此身重壯健一盃朋舊共高歌

又

苦熱惟憂不復涼轉頭忽已見清霜  
道人若悟無寒暑墮指流金總道場

柳橋秋夜

帝青萬里月輪孤掃盡浮雲一點無  
正是吾廬秋好夜上橋渾不要人扶

訪隱者不遇

秋高山色青如染寒雨霏微時數點  
蘭亭在眼久不到每對湖山輒懷歎  
雅聞其下有隱士漠漠孤煙起松嶠  
獨攜拄杖行造之枳籬數曲柴

門掩笛聲尚近人已遯日啜薄糜終不貶何如  
小住笑一尊山藜野芋分猿嘍

蒼檜

北風捲野天晝晦雨如弩鏃穿屋背老夫下牀  
行躡屐稚子抱書坐持蓋豈無長楸與巨竹幹  
折枝摧芙蓉顛沛孰能不動安如山屹立庭前獨  
蒼檜

農家歌

村東買牛犢舍止作牛屋飯牛三更起夜寐不  
敢熟茫茫陂水白纖纖稻秧綠二月鳴搏黍三  
月號布穀爲農但力作瘠鹵變衍沃腰鎌卷黃  
雲踏碓舂白玉八月租稅畢社瓮醲如粥老稚  
相扶携閭里迭追逐坐令百世後復覩可封俗  
君不見朱門玉食烹萬羊不如農家小甑吳粳  
香

君子非好異

君子非好異本意亦從衆居然迫所媿難復趨  
一闕孟軻遇齊王夫豈不欲用萬鍾養弟子乃  
似以利動惟其有辭受百世尊道統豈惟聖賢  
哉學者固所共

獨登東巖

早慕功名已絕癡晚耽筆墨愈無奇牧羝未乳  
身先老化鶴重歸語更悲叨舊在亡成斷夢山  
河興廢入孤吹悠然獨倚闌干笑又過簪萸泛

菊時

灌園

八十身猶健生涯學灌園溪風吹短褐村雨暗  
衡門眼正魔軍怖心安疾豎奔午窗無一事梨  
棗弄諸孫

晨起

老尚貪書課黎明卽下床不驚天乍冷更覺意  
差強蟾滴初添水螭爐旋炷香浮生又一日開



卷就窗光

龜堂

莫笑龜堂老殘年所得多賦詩傳海估說法度  
天魔天矯竹如意鱗皴松養和拈來示諸子無  
事數相過

蜀漢

蜀漢崎嶇外江湖莽蒼中冷官家世事獨立古  
人風已老學猶力久窮詩未工悠悠千載後此  
意與誰同

客有言太山者因思青城舊遊有作

我登青城山雲雨顧在下月色縞巖谷欲睡不  
忍捨明朝下半嶺頗怪哀湍瀉山麓雲未歸平  
地泥沒踝乃知宿處高所恨到者寡有客談泰  
山嘗宿石室夜分林采變暘谷看浴日九州  
皆片塵盛夏猶慘栗我聞思一往安得飛僊術  
但願齊魯平東封扈清蹕

遊近村

度塹穿林脚愈輕  
憑高望遠眼猶明  
霜凋老樹寒無色  
風掠枯荷颯有聲  
泥淺不侵雙草履  
身閑常對一棊枰  
茆檐蔬飯歸來晚  
已發城頭長短更

疎雨

檐間秋雨時一滴  
絕似漢嘉方響泉  
不聽此聲三十載  
夢回搔首一凄然

秋曉

菅席多年敗見經  
布衾木枕伴殘更  
噫噫天際雁初度  
喔喔舍傍雞亂鳴  
貸米未回愁竈冷  
讀書有課待窗明  
一秋最恨空堦雨  
滴破羈懷是此聲

癸亥初冬作

開歲忽八十古來應更稀  
我存人盡死今是昨  
皆非愛酒陶元亮還鄉  
丁令威目前尋故物惟

有釣魚磯

一元坐久散步野舍

湏洞風號木蕭條雨滴堦忽息穿兩屐聊用散  
孤懷赤脚春畚粟平頭拾澗柴先師有遺訓萬

事忌安排

胡翼之先生教徐節孝曰莫安排

法雲寺

不到法雲久秋高初一來厨供菰白美池蘸水  
紅開橋畔逢遊衲雲邊數過桅同遊恨歸早珍

重約尋梅

小徑登東山續行自西北至溪上

是夕子聿置酒

行穿犖确度谿訝小立風中客袖斜衰草雙雙  
點飛蝶長空一一送栖鴟荻洲薄葺收魚網茆  
舍初寒響緯車誰道老人多感慨未妨尊酒樂  
年華

美睡

老來曾次掃崢嶸投枕神安氣亦平漫道布衾

魚雁書  
九  
汲古閣  
如鐵冷未妨鼻息自雷鳴天高斗柄闌干曉露  
下雞埒膈膊聲俗念絕知無起處夢爲孤鶴過  
青城

逆旅

秋晚南山行小蹇就店秣我亦念少休無奈市  
兒聒嗟爾亦坐飢鎗銖苦爭奪其心計亦厭陷  
溺無白脫我欲救其本汝勿謂迂闊要傾江海  
大一洗錐刀末人生顧須幾卒歲惟一褐有地  
卽可耕何山不堪活

東園

今日天寶霜又見一日晴晴寒病良已扶杖東  
園行瓦鼓息我倦靜聽幽鳥鳴花菓四十株手  
自培養成疎密無行列東園蓋強名人看不滿  
笑聊用適我情

雜感

買薪貸粟不曾知一事無營盡日嬉耄老却如

童稚日早眠晏起食無時

又

古言忍字似而非獨有癡頑二字奇此是龜堂  
安樂法大書銘座更何疑

又

平生所聞宋華子病忘乃與知道鄰老夫歷盡  
世間事始覺此公真可人

又

義皇一畫開百聖學者卽今誰造微文詞害道  
第一事子能去之其庶幾

渡頭

蒼檜丹楓古渡頭小橋橫處繫孤舟范寬只恐  
今猶在寫出山陰一片秋

小飯賞菊

菊得霜乃榮性與凡草殊我病得霜健每却稚  
子扶豈與菊同性故能老不枯今朝喚父老采

菊陳酒壺舉  
裊舞翩僊擊缶歌  
烏烏秋晚遇佳  
日一醉詎可無

與兒輩小集

老子秋來樂事稠  
吳杭新擣酒新芻  
矮黃不待園官送  
小白每煩溪女留  
頓飽可憐頻夢與  
半酣自喜有兒酬  
不如意事何窮已  
且放團欒一笑休

舍北晚眺

平野沉寒日遠村  
生萁煙離離立紅樹  
點點散烏犍  
暫出不逾歲  
告歸仍一廛  
江湖初見雁  
著眼送雲邊

書室獨處欣然有詠

鑿空學道本無師  
歇盡狂心頗自奇  
閑坐始知冬日永  
高談未覺耄年衰  
治棺準備膏肓日  
釀酒枝梧雨雪時  
常笑祖龍癡到底  
一生辛苦覓安期

冬初至法雲

曉日曛曛露未乾東中十月始微寒牛閑處處  
農功畢米賤家家酒盞寬煙浦白鷗迎鼓柁漁  
村紅樹入憑闌歸舟莫恨無人語手把陶詩側  
臥看

感憤

形勝崎嶇在英豪趙魏多精兵連六郡要地控  
三河慷慨鴻門會悲傷易水歌幾人懷此志送

老一漁叢

記老農語

霜清楓葉照溪赤風起寒鷗半天黑魚陂車水  
人竭作麥壟翻泥牛盡力碓舂玉粒恰輸租籃  
挈黃雞還作貸歸來糠粝常不饜終歲辛勤亦  
何得雖然君恩烏可忘爲農力耕自其職百錢  
布被可過冬但願時清無盜賊

村舍

剝啄敲村舍了又揖主人新牆拆龜兆疎瓦斷  
魚鱗紅粒炊畚粟青煙鬱澗薪得床息熟睡寒  
犬苦狺狺

自述

偶策青驢出還將白鶴隨鍊丹畱日觀采藥上  
天池送客清秋棹畱僧靜夜碁從來閑姓字不  
遣世人知

泊舟湖橋酒樓下

縹緲雲邊罨画樓空濛雨外木蘭舟誰知老子  
清狂甚獨占城南十里秋

菴中雜書

蒲龕坐久暎如春紙被無聲白似雲除却放生  
并施藥更無一事累天君

又

謀生安用苦區區豆飯藜羹未遽無若使天年  
猶合活不妨自有穀於菟



又

萬物竝作吾觀復衆人皆醉我獨醒走徧世間  
無著處閉門鋤菜伴園丁

又

茅茨一室有餘樂轍環四海誰知心輟畊壠上  
鴻鵠志長嘯山中鸞鳳音

連日暴下蕭然不支戲作

老子心如行脚僧秋風久已辦行藤紙衾夜夜  
江湖夢小復遲畱待判懲

大風

風大連三夕衰翁不出門兒言卷茅屋奴報徹  
蘆藩狼籍鴉擠窳縱橫葉滿園  
穽除有今日紅日上東軒

野興

掃盡紅塵閉是非舍傍好在舊苔磯壺中春色  
松肪酒江上秋風榭葉衣一片共知雲偶出千

年誰識鶴重端勿言野外無供給雪後連山藥  
草肥

又

樓蘭勛業竟悠悠聊作人間汗漫遊半谷雲霞  
丹竈熟一天雷雨劔池秋倘伴藥市經旬醉問  
訊巢仙數夕畱却過故廬應一歎岸邊猶繫采  
菱舟

若耶村老人

管聞若耶村意象乃物外皤然阡陌間來往幾  
鮐背無論百歲翁甲子數至再我來親見之殊  
未輟畊耒曩事一一言多聞雜諄誨回頭指丁  
壯此是曾玄輩有翁又過我家有孫五代指呼  
取斗酒山果雜細碎顧我使之年慙縮不能對  
恭惟大父行不覺投杖拜養生惟一畝此在吾  
術內翁能信踐之成就乃爾大我今纔耄及耳  
目已憤憤長庚雖餘輝敢與明月配

霜曉

霜有連甍白林無一葉青  
紙衾圍栗烈風響送  
東丁酒盡尊餘滴灰深火撥星蓬窗了無事默  
坐養黃庭

山澤

我本山澤人散誕傲簪裳  
宦遊五十年天遣還  
農桑東阡南陌間吾亦愛吾鄉  
楚祠坐秋社隋寺觀夜場  
醉迷采蒼耳旅飯炊黃梁  
自疑太古遊岷峨略聞度世方  
氣爲東道主主安客自長  
却後五百年見我灞城旁

遠遊

姓字不須通從來號放翁  
月明登暑雪木落過  
秋風成都武擔山暑雪堂歸州巴東縣江上秋風亭皆絕景處處題僧壁  
時時臥釣篷始知侯萬里未必是英雄

北窗

破屋頽垣嘯且歌一窗隨處寄婆娑閱人每歎  
同儕少遇事方知去日多雲溼沙洲秋下雁雨  
來荻浦夜鳴鼉何時更續扁舟與剡載耶筒醉

綠蘿

綠蘿溪  
扛夷陵

醉題

目光炯炯射車牛何至隨人作浪愁身處江湖  
如富貴心親魚鳥等朋儔孤帆滅沒三湘曉野  
店荒寒二華秋醉墨不容塵土汗憑君試訪寺

家樓

幽居

練褐藤冠物外裝下簾畱住欲殘香瀟湘客過  
誇漁具瀟皖僧來說藥方詩未遽衰猶跌宕書  
雖小退亦軒昂不緣厭靜尋幽事老去無如白  
日長

連陰欲雪排悶

先生經旬甑坐塵藜羹不污白氎巾魯連敢謂

天下士摩詰要是山中人

王維自稱  
山中人

溪從灘瘦

愈刻厲山自木落增嶙峋  
雲重惟愁雪欲作  
梅花忽報一枝春

示子聿

古學尊皇極  
淫辭斥異端  
人才如爾少  
老健及吾難  
身退桑榆暝  
家貧菽水歡  
人生粗足耳  
衣食不須寬

項里溪上見珍禽  
曰溪鵲相隨數十步不

去

涉溪來過東溪老  
斷枝槁葉紛如埽  
忽逢溪鵲昔未識  
言語惺惚羽毛好  
異哉馴狎若可呼  
迹雖甚疎情有餘  
上穿蒼煙立高樹  
下踏白石窺遊魚  
老夫曰曰溪頭行  
見此不妨雙眼明  
定交物外從今始  
豈獨沙鷗可與盟

冬夜對書卷有感

人生如夢終當覺  
世事非天孰可憑  
萬卷雖多

當具眼一言惟恕可銘膺所聞要足敵憂患吾  
道豈其無廢興白髮蕭蕭年八十依然父子短  
檠燈

項王祠

項里溪水聲潺湲溪上青山峩髻鬢煙村人語  
虛市合石橋日落漁樵還堂上君王凜八尺大  
冠如箕熊豹顏築祠不知始何代典祀千載誰  
敢刪肅清亭障息剽奪埽蕩螟螣囚神奸范增

玉斗久已碎虞姬粧面畱餘潛小人平生仰遺  
烈近廟欲結茅三間時時長歌拔山曲醉倒聊  
慰窮途躅

入城

宿凍迷車轍晨霜縞瓦溝路長休小驛風勁透  
重裘貿貿殘軀健芒芒去日適親交喜握手隨  
處小遲畱

出城

病鶴寒彌瘦孤松老不枯非關畏軒冕本自樂  
江湖古錦添詩句羸驂入画图兒孫候門久喚  
取倒殘壺

不入城半年矣作短歌遣興

我居城西南渺渺水雲鄉舟車皆十里來往道  
豈長今夏我來時天風吹荷香再來已孟冬慘  
然天竇霜市南兩株柳葉盡萌已黃乃知多事  
人歲晚虛悲傷名藍墮劫火鞠爲瓦礫場河橋  
比一新華表照康莊成壤莽相尋推理海茫茫  
疾豎造物兒吾手扼其吭砥柱天下險一葦乃  
可杭養氣倘能全斯言豈荒唐

先大父以元祐乙亥寓居妙明僧舍後育  
餘年當嘉泰癸亥游復假榻一夕感歎成

詠

楚公仙去幾秋風巷陌蕭條舊隱空遺老卽今  
無處覓斷香殘照淚痕中

志學

聖門志學豈容差  
山立方當斥百家  
早忝授經聞博約  
晚羞同俗陷浮華  
風勞槁面寒無褐  
雷轉飢腸飯有沙  
漫道衰慵貪睡美  
五更和夢聽城笳

晚行舍北

逆旅將歸客  
扶衰取次行  
霜濃木葉盡  
水落岸痕生  
鳧雁浮寒浦  
牛羊滿晚晴  
東村隔煙寺  
杳

杳送鐘聲

幽居述事

曾會蘭亭醉  
墮簪後身依舊  
住山陰琴傳數世  
漆文斷鶴養多年  
丹頂深滌硯  
灘頭無漬墨  
吹簫月下  
有遺音  
小詩戲述幽居事後  
有高人識此心

又

頽然掩戶不妨奇  
又賦幽居第二詩  
大藥鼎成



今虎守精息床穩用龜搯壺中自喜乾坤別局  
上元知日月遲更就羣童閑鬪草人間何處不  
兒嬉

又

落葉平溝日滿廊幽居又賦第三章喜無俗事  
干靈府恨不終年住醉鄉上樹榜船雖老健疏  
泉移竹亦窮忙山僧欲去還畱話更盡西壘一  
炷香

又

解艤東歸喜遂初頻拈枯筆賦幽居細燒栢子  
供清坐明點松肪讀道書蒼爪嫩芽開露茗紅  
根小把瀹煙蔬年來自許機心盡頗怪飛鷗自  
作疎

十一月五夜風雪寒甚燃薪取煖戲作五  
字

束薪從澗底及此不時求力比鵝黃酒功如狐

白裘分才具糜粥餘事煥衾稠復恐成驕惰二  
更起飯牛

魯墟

先太傅舊宅

魯墟無復壞垣存偶榜舟來入亂雲杜曲桑麻  
猶鬱鬱桃源雞犬亦欣欣青圍舊墅千峯立綠  
引官河一脉分我卜數椽差不遠得歸何以報  
吾君

曉雪

遶湖誰琢玉爲屏換却南堂萬墨青老子醉狂  
還自笑持竿畫字滿中庭

又

觀雪剡溪天下勝題詩常恨不能奇未應便許  
凝之語此興何曾有盡時

養生

西遊曾受養生書晚愛煙波結草廬兩背神光  
穿夜戶一頭胎髮入晨梳邀雲作伴遠忘返與

鶴分窠寬有餘占盡世間閑事業任渠千載笑  
迂踈

夜讀鞏仲至閩中詩有懷其人

詩息尋常有偏於客路新能追無盡景始見不  
凡人細讀公奇作都忘我病身蘭亭盡名士逸  
少獨清真

獨意

酒似交情薄愁隨夜漏長常貧且撐拄多病不  
禁當偶讀書終卷閑臨帖數行翻憐市朝客擾  
擾爲誰忙

十一月十三日夜作

風雪正相瘖蕭然一點燈擁爐蒙衲被就壁倚  
枯藤火降神方王河潮腦自凝鄰雞太多事三  
唱請晨興

故人趙昌甫久不相聞寄三詩皆傑作也  
輒以長句奉酬

海內文章有阿昌數能著句寄龜堂就令覲面  
成三倒未若冥心付兩忘道義極知當負荷風  
波那得易禁當相息命駕應無日且約陶然寓  
醉鄉

夢中賦早行

夜分秉炬治裝賫千里霜風入馬蹄擁褐却尋  
孤驛夢垂鞭時聽近村雞荒煙漫漫沉殘月宿  
莽離離上古隄天色漸分寒更力道傷沾酒坼

官泥

兀兀

兀兀初何有佺佺不自知偶然登耄及便欲數  
期頤把釣秋風夕騎驢晚雪時江湖遊已徧更  
作灞城期

哺猿

有書常嬾讀有酒常嬾醉惟有默坐佳又以睡  
爲祟不如捨之起扶杖來東園摘此幽澗菓哺

我高枝猿食菓飲清泉猿計亦何闕但恐夜霜  
時腸斷巴山月

與子坦子聿元敏犯寒至東園尋梅

北風吹人身欲僵老翁畏冷晝閉房梅花忽報  
消息動意氣山立非復常二兒一孫奉此老瘦  
藤天矯凌風霜幽禽白頰忽滿樹似與我輩爭  
翱翔溝絕無聲凍地裂耿耿寒日青無光歸來  
相視不得語小榼一寫鵝兒黃

示諸孫

蝸舍鶉衣老可哀衰顏時爲汝曹開朱門莫羨  
煮羊脚糲食且安羹芋魁家塾讀書須十紙山  
園上樹莫千回但令學業無中絕秀出安知有  
後來

題坐壁

皤皤太平民堂堂大耋身乾坤一旅舍日月兩  
車輪衰貴超三品蔬甘敵八珍明年真耄矣爛

醉海山春

又

力穡輸公上藏書教子孫追遊屏裘馬宴集止  
雞豚寒士邀同學單門與議婚定知千載後猶  
以陸名村

雜言示子聿

福莫大於不材之木禍莫慘於自躍之金鶴生  
於野兮何有於軒桐爨則已兮豈慕爲琴古今  
芙蓉玉自獻卷舒要似雲無心廬室但取蔽風  
雨衣食過足豈所欽我今餘年忽八十疇畊幸  
得安山林逢人雖歎種種髮入塾尚憶青青衿  
吾兒殆可守孤學相與竭力窮幽深

夜坐聞大風

天曠穹廬覆風豪野戰酣詩成飛醉墨碁罷縱  
高談奇怪空堪笑低摧亦未甘東浮雲海去會  
載酒千甌

歸老

歸老何妨駕鹿車平生風雪慣騎驢  
髮毛白盡猶耽酒目力衰來轉愛書  
止足極知于道近癡頑更喜與人疎  
著身莫怪無閑處地肺天台儘有餘

懷舊

扇子破中有隱士清江一曲照柴荆  
當時舫急失一見至今空憶算猿聲

又

青城之西谿谷深道翁巢居獨鼓琴  
一盃松麩畱我宿夜半虎嘯風生林

又

剡溪百里徹底清石闌千裏真人行  
大丹一粒擲溪水禽魚草木皆長生

劔南詩彙目錄

卷第五十六

道室雜詠

首三

偶與客飲客去戲作 故

里 齟齬 冬夜 枕上 寒暑 長溪

東山容老索月谷幽賞詩

首二

梅 歲晚

幽興

首四

寄題胡基仲故居 雪夜 聽

雪爲客置茶果 獨夜 寄題王才臣山

居 夜賦 雪後

首二

寒夜讀書 對食



國家圖書館, NATIONAL CENTRAL LIBRARY, TAIWAN, R.O.C.



戲作六首

甲子立春前二日作 家居自

戒六首



鄰曲 送客 夜寒起坐

待早 信手翻古人詩隨所得次韵二首

甲子歲元日 初春書懷七首 初春紀事

二首 送子虞吳門之行 法雲僧房 陌

上 獨立 春陰 閒味 聞虜亂代華

山隱者作 春日 寄子虞 送子坦

送子通 醉眠初起書事 見蜂采檜花

偶作 對酒戲詠二首 夜興 老甚自詠

二首 夜過魯墟 園中小飲 幽居春晚

二首 梅花過後遊西山諸菴 梅仙塢花

涇觀桃李 家園賞花 聞金谿陸伯政

下世 一春風雨大半有感 山行贈野

叟二首 雲門道中 讀書有感 六言雜

興九首 春晚出遊六首

劍南詩集卷第五十六

道室雜詠

鳥化雙鳧杖化龍  
雲山回首不知重  
藥園夜嘯丹臺月  
酒市秋聽紫閣鍾  
豈但煙霄隨步武  
故應冰雪換形容  
小童開戶驚竒事  
野鶴來巢砌下松

又

莫怪先生閱事多人間  
何處不經過天山八月

霜枯草暘谷三更日浴波酒熟春風歸掌握丹  
成神物莫誰何散人本帶江湖號四百年來一  
釣蓑

又

身是秋風一斷蓬何曾住處限西東棋枰窗下  
時聞電丹竈巖間夜吐虹采藥不辭千里去釣  
魚曾破十年功白頭始悟頤生妙盡在黃庭兩  
卷中

偶與客飲客去戲作

多泥窮巷破茆屋人不堪憂心自足有時負日  
向門前手把南華日中讀若教開門與客游擾  
擾依前懷百憂平生自計亦已熟惟有釣魚湖  
水頭舊聞仲長子光可與友瘖不能言但耽酒  
安得此友常過門一語不交傾數斗

故里

故里淳風比結繩歸畊況遇歲豐登已侵鍾漏

行安往略有園廬退可憑萬事寧容媿天地一  
心常若蹈淵冰區區僻見君無怪人固終身有  
不能

齟齬

人生天地間本非金石堅況復歷歲久蠹壤無  
復全齟齬雖小疾頗解妨食眠昨算作尤劇頰  
輔相鈎聯欲起嬾衣裳欲睡目瞭然恨不棄殘  
骸蛻去如蛇蟬或當學金丹揮手凌雲煙逢師

定悠悠丹成狂何年

冬夜

悠悠孤夢伴餘醒窗下寒燈黯闇明雪意欲成  
風正惡漁舟忽過雁羣鳴志衰但有徂年感身  
沒應無後世名猶幸耄期身粗健天公元不負  
書生

枕上

鐘鼎初何有山林亦足雄行息絕大幕歸但醉

新豐雁過荒寒外燈殘寂寞中蒼顏無鏡對那  
覺是衰翁

寒暑

寒暑侵陵日夜衰坐令齒髮不支持愛憎徇物  
去忘反神氣養形誰復知布帔九條晨人靜柏  
床五尺夜精息舊交勿恨江湖別雲海神山會  
有期

長溪東山容老索月谷幽賞詩

人間底處無明月只要青山爲發揮林裏枝寒  
無鵲立水邊路白有僧歸

右月谷

清泉白石君家物美竹名花可旋移幽賞定知  
隨處勝更須時展放翁詩

右幽賞

梅

若耶溪頭春意慳梅花獨秀愁空山逢時決非

桃李輩得道自保冰雪顏  
僂去要令天下憺折  
來聊伴放翁閑  
人中商略誰堪比  
千載夷齊伯仲間

歲晚幽興

梅出疎籬柳拂池  
流年已迫早春時  
壯心卓犖猶欺酒  
老業呻吟未廢詩  
眼暗觀書如棘澀  
齒疎嚼飯似牛呶  
風爐欲試蒼鷹爪  
自向林間拾墮枝

又

殘年欲遂迫期頤  
追數朋儔死已遲  
卜塚治棺輸我快  
染鬚種齒笑人癡  
近聞有醫以補種墮齒爲業者  
野梅墮地草生後  
街柳拂鞍冰泮時  
滿眼雲山不須買  
剝傾新釀賦新詩

又

萬里風波行路難  
君恩尚許綴祠官  
中庭鬱鬱藥苗長  
絕壁颼颼松吹寒  
泥巷有人尋杜甫  
雪

廬無吏問袁安清晨對鏡增幽致龜屋新裁二寸冠

又

短鬢元知不久青況開九帙數餘齡全家共保一忍字累世相傳三住銘時泛孤舟過梅市却穿雙屨上蘭亭擁爐莫恨無僧在滿院松風要細聽先太傅親受三住銘于施肩吾先生授游日汝其累世相傳毋忽因即以傳聿虞諸子

寄題胡基仲故居

憶昔公來一束書蕭然不復畜僮奴浮雲每歎成蒼狗空谷誰能繫白駒才氣沙塵埋巨闕文章林壑吼於菟旅墳三尺雲門寺又見離離長綠蕪

雪夜

雪聲如飛沙風聲如翻濤三更天地闇雪急風愈豪頗疑虛空中鬼神戰方鑿勝負要一決利

兵未肯褫我如墮重圍百計無由逃僵縮不能  
寐起坐擁故袍自歎老益貧庭草常不薙惟酒  
不憚費貸券如山高園蔬甘且柔味不減豚羔  
醉此風雪夕聊慰抱瓮勞

聽雪爲客置茶果

病齒已兩旬日夜事醫藥對食不能舉况復議  
盃酌平生外形骸常恐墮貪著時時隣曲來尚  
不廢笑謔青燈耿窗戶設茗聽雪落不飮粟與

梨猶能烹鴨脚

獨夜

燈花寒自結雪片夜方深瘦影參危坐清愁入  
苦吟江湖身汗漫藥石病侵尋朋舊凋零盡何  
人識此心

寄題王才臣山居

王子自少無他娛求佳山林結草廬頭童齒豁  
已衰矣衣弊屢空常晏如出遊恥懷襴衡刺歸



臥盡讀倚相書它日叩門傾白墮要看著句到  
黃初

夜賦

練色亭臯月江聲木杪風開書燈煜煜傳漏鼓  
蓼蓼流落諸生老呻吟四壁空生涯君勿笑淡  
話有兒同

雪後

雪後晴初快春前日漸長菊根萌已動梅齷意  
先香禽語驚幽枕冰消漲野塘衰殘難出戶不  
是嬾衣裳

又

冰開地沮洳雲破日曛隴鴻入青冥際草生殘  
燒中方欣畢公稅已復始農功稻壠牛行處泥  
翻夕照紅

寒夜讀書

老去無他嗜書中有獨欣月窗雞喔喔霜野犬

信信雖歎吾何適猶尊簪所聞從今倘未死一日亦當勤

對食戲作

霜餘蔬甲滂中甜春近靈苗嫩不斂采掇歸來便堪煮半銖鹽酪不須添

又

白鹽赤米了朝舖物項何妨煮瓠壺一種是貧吾尚可隣家稗飯亦常無

又

春前臘後物率催時伴兒曹把酒盃蒸餅猶能十字裂餛飩那得五般來

又

拚欄子嫩供香飯阜筴芽新簇冷淘常使先生飽捫腹其餘萬事一秋毫

又

冰壺欲著先生傳髯簿甲凡豈得書常恨當年

定交晚枉教渴死老相如

又

黃昏來扣野人扉笑語欣欣意不遲葑火正紅  
煨芋美不妨秉炬雪中歸

甲子立春前二日作

頭風初愈喜身輕書卷時開覺眼明養熟犬雞  
隨坐起性靈鳥鵲報陰晴韭菘飮餽春盤好芝  
朮篔和臘藥成自笑衰殘殺風景燈時不擬入

重城

家居自戒

曩得京口俸始十湖邊居屋財十許間歲久亦  
倍初執花過百本嘯咏已有餘猶媿先楚公終  
身無屋廬

又

平居少愧乍動以直自遂雖墮虎兕羣我已無  
死地神仙果可學

道藏有神  
仙可學論

吾輩恐差易勿言

聞道晚努力補黥劓

又

世人無奈愁沃以盃中酒未能平磊塊已復生  
堆阜治水不治源九載亦何有不如讀周易一  
卷常在手

又

疾病當治本神醫古難遭哀哉有限身日與利  
慾鑿大嚼徒爲貪劇飲豈足豪淡薄以養壽亦

并慕名高

又

飢寒陷侵暴其實可憐傷一事百自反忿心冷  
如霜恕物學者心省事慮亦長吾過固多矣責  
彼何暇詳

又

霜嚴雞報晨月落犬警盜遺粒與棄糠每媿不  
足報推奴事樵汲跣婢勤爨竈有過姑教之箠

楚置勿道

感貧

經歲無兼味窮冬止破裘翁將貧博健兒以學  
忘憂士固安天命吾寧爲食謀八荒如可望時  
亦上高樓

鄰曲

濁酒聚鄰曲偶來非宿期拭盤堆連展淮人以名麥餌  
洗脯煮黎祁蜀人以名豆腐烏犢將新犢青桑長嫩枝

豐年多樂事相勸且伸眉

送客

有客相與飲酒盡惟清言坐久飢腸鳴殷如車  
輪翻烹粟煨芋魁味美敵熊蹯一飽失百憂抵  
掌談羲軒意倦客辭去秉炬送柴門林間鳥驚  
起落月傾金盆

夜寒起坐待旦

儻恍不成寐攬衣寒夜中青熒煨芋火鞞鞞鼓

簾風巷犬聲如豹

見王維與裴迪書

山童首似蓬悠然

東書坐徐待日生東

信手翻古人詩隨所得次韻

病起瘦可驚峻嶒夜窗影八十遂當至何止踐  
衰境食簞幸能盡藥裹亦已屏汲泉煮日鑄舌  
本味方永士苦不自晦常若錐見穎叔度獨何  
人長陂渺千頃

右夜坐

孔門春服成弟子從沂浴老氏坐中庭莊生記  
新沐古聖自潔清如日浴暘谷豈比流俗人蟻  
蝨生桎梏老人喜時節良夕當爆竹未濯三生  
垢湯沐意亦足豈惟寓蕭散亦以洗榮辱悠然  
獨酌罷投枕睡已熟

右除夜沐浴

甲子歲元日

飲罷屠蘇酒真爲八十翁本憂緣直死却喜坐

詩窮米賤知無盜雲露又主豐一簞那復慮嬉

笑伴兒童

開歲微陰不  
雨法當有年

初春書懷

六十餘年慕古人卽今方近葛天民見人各是  
元非怨遇事皆安豈怨貧小圃鉏耰聊過日扁  
舟煙雨尙關身出門未覺龍鍾在禹廟蘭亭又  
見春

又

耄及光陰古更稀自今惟有數期頤食觀本草  
雖多事醉讀離騷自一奇物外有人閑始見山  
中可樂老方知武陵好在桃千樹短檝相尋亦  
未遲

又

數掩蘆藩竝水居一家全似業樵漁春寒例謝  
常來客老病猶貪未見書馴雀正緣拋食慣芳  
蘭肯爲礙門鋤藥苗滿鉢無人笑賴有溪僧爲

破除

又

甫及初春日已長偶同鄰曲集山房囊盛古墨  
靴紋皺箬護新茶帶胯方老境不嫌來冉冉流  
年直恐去堂堂清泉冷浸疎梅蕊共領人間第  
一香

又

底處人間無駭機超遙且喜謝招麾千年澗底  
孤松秀萬里天邊獨雁歸服氣替常憎火食遊  
山近已製荷衣青城況有幽人約會守丹爐隱  
翠微

又

納祿貧如筮仕初歸來依舊臥蝸廬半池墨瀋  
臨章草一盃松肪讀隱書長鑱僅供飢子美清  
江不療渴相如耄期自許詩情在雪裏猶能跨  
蹇驢



又

愚公不解計安危行盡人間惡路岐難似車登  
蛇退嶺險如舟過馬當祠平生憂患常難測送  
老安閑敢自期一事不成應有命惟將知止報  
明時

初春紀事

窗櫺無日影庭樹無風聲微雲淡天宇非陰亦  
非晴美哉豐年祥入我屠蘇觥父老亦共喜驩

言叩柴荆一飽已有期惟當力春畊遣兒牧雞  
豚作社賽西成

又

經冬少雨雪所至苦水涸園蔬葉多蠹山步舩  
半閣入春一再雨喜氣滿墟落又聞湖邊路已  
破小桃萼一尊儻可攜父子自醅酢

送子虞吳門之行

相送何由插羽翰淡煙微雨暗江下孤懷最怯

新春別病骨難禁昨夜寒尊酒汝寧嫌魯薄釜  
羹翁自絮吳酸此詩字字俱愁絕忍淚成篇却  
怕看

法雲僧房

八十衰翁有底忙水邊山際亦佺佺清溪橋斷  
舟橫岸小塢梅殘雨漬香數點青燈經野市一  
爐軟火宿僧房自嫌尚有人間念却爲春寒怯  
夜長

陌上

陌上長歌任笑狂此生得喪略相當天將耄齒  
償貧悴身坐虛名掇謫傷溪水漸生朱舫活野  
梅半落綠苔香新晴快上蘭亭路莫待春殘始  
一觴

獨立

白髯蕭颯一愚公獨立濛濛細雨中羊踏寒蔬  
新少夢魚生空釜久諳窮殘編幸有聖賢對閑

話豈無隣曲同衿鬻才名非老事小詩信筆不能工

春陰

數間茅屋傍楓林常負平生萬里心老去逐年增老病春來無日不春陰麴塵蘸岸波初漲猩血團枝色已深欲到東園還嬾起却和殘睡聽鳴禽

閑味

身似枯禪謝世塵豈容收歛強冠巾庾郎三韭不妨飽晏子一裘何恨貧栖冷每憐雞唱早雲開初見月痕新閑中有味君知否熊掌馳峯未是珍

聞虜亂代華山隱者作

滿谷松風枕石眠中原戰血又成川但息秦鑄銅人日不記齊成柏寢年大藥一爐暎晚日孤桐三尺寫秋泉何妨狂舞旗亭下乞與人間畫

醉僊

春日

車馬閑中絕衣襦病後寬  
改詩消晝永賒酒敵  
春寒柳細搓難似花新染未乾  
歸鴻與來燕各  
自管悲歡

寄子虞

十里城南路蕭然一秃翁  
舊書衰易忘新句嬾  
難工山色春寒淡溪流宿雨通  
街頭有良醞思

汝一尊同

送子坦

老境寧容別諸兒仕爲貧  
一春多臥病幾度送  
行人五斗方須祿千金且愛身長安  
雖可樂憐  
汝正思親

送子適

初欲赴春銓以兄弟皆出故輟行

隔一濤江路豈遙躊躇不覺欲魂銷  
寄書勿遣  
過三日發渡何曾無兩潮睡少不關茶作崇愁

多却賴酒時澆柯橋西畔斜陽岸誰爲離人惜  
柳條

醉眠初起書事

身世元知似斷蓬流年分付酒盃中飢寒未解  
士先老風雨欲收花已空泥補舊巢梁燕喜水  
生支港釣舩通睡魔正費驅除力隔竹敲茶賴  
小童

見蜂采檜花偶作

來禽海棠相續開輕狂蛺蝶去還來山蜂却是  
有風味偏采檜花供蜜材

對酒戲詠

不管詩人太瘦生但念酒徒稀醉眠憑誰爲畫  
畢吏部縛著隣家春瓮邊

又

長安市中多美酒一斗財當三百錢堪笑書生  
消幾許有錢十萬醉經年

夜興

臬呼作人聲月出如野燒推枕中夜起殘燈尙  
餘照難從公榮飲獨效孫登嘯八十推不僵平  
咎豈所料空廊病馬臥枯草老牛噉明朝語俗  
人與汝不同調

老甚自詠

殘年真欲數期頤一事無營飽卽嬉身入兒童  
鬪草社心如太古結繩時騰騰不許諸人會兀

兀從嘲老子癡亦莫城中買鹽酪菜羹有味淡  
方知

又

羨生常笑古人癡俛仰那知迫耄期鏡裏鬢無  
添白處尊前顏有暫丹時客暝終歲常稱疾兒  
訝經旬嬾賦詩枉却愁過強健日身閑何往不  
熙熙

夜過魯墟

晡時發柯橋申夜過魯墟燈出籬落間七世有  
故廬門低不容駟壁壞亡遺書高樹宿羈鳥廢  
沼跳驚魚移舩過古埭水面涵星疎安得病良  
已畢世澆春蔬

園中小飲

造物佚我老畀以江湖寬俯仰六年間得請兩  
挂冠鬢毛雖蕭颯脚力未蹶跚記書過十張噉  
飯空一簞開歲忽兩月感此春事殘杏靨笑牆  
頭鶯聲入雲端埽地設菅席相與勸加餐村酒  
瀉濁清野果嘗甘酸鄰里語蟬聯兒孫話團欒  
雖無萬錢筮浩歌有餘歡

幽居春晚

雲歸禹穴賞新晴酒買蘭亭散宿醒竹帶鞭移  
俄盛出鶴全窠買已長鳴故山雖媿收身晚外  
物元如脫髮輕只恐村鄰成間闊杖藜隨處叩  
柴荆

又

老廢讎書病廢詩  
晝閑惟與睡相宜  
未尋內史流觴地  
又近龐公上塚時  
花發遊蜂喧院落  
筍長馴鹿入藩籬  
石帆山下春如許  
野老來招不用辭

梅花過後遊西山諸菴

乞得身歸喜滿顏  
柴門雖設不曾關  
無如梅作經年別  
且就僧分半日閑  
樵斧曉穿雲外去  
釣船夜向月中還  
君看老子無窮樂  
一笑知非造物慳

梅僊塢花涇觀桃李

妖妍天遣占年華  
歎息人間有許花  
十里織成無罅錦  
半天畱得未殘霞  
欲題直恐無才稱  
不見何由信客誇  
醉後又驚春事晚  
湖隄煙柳已藏鴉

家園賞花



白首扁舟返舊邦逢春直欲倒千缸紅雲夾路  
薔薇障翠羽成層薛荔幢鸞語枝頭常盡日蝶  
迷葉底不成雙閑人爛醉尋常事中聖先判臥  
北窗

聞金谿陸伯政下世

久矣望來使潸然開計書兩家通絕譜千里泣  
靈車亦悟古皆死所悲天祝余泉扃生氣在故  
不羨曹蜍

一春風雨太半有感

忽忽春將老寒暄尚未齊雨昏雞唱晚風惡鵲  
巢低寫物才殊退尋芳思欲迷餘年不須較只  
是死秦稽

山行贈野叟

垂白衰翁住道邊突間猶喜續炊煙壁如龜筴  
難占十瓦似魚鱗不接連幼學及時兒識字官  
租先衆吏無權與君俱長宣和日握手相看一

悵然

又

莫笑孤村生理微  
茅茨煙火自相依  
客來旋埽青苔榻  
日在先關白版扉  
婦女憂蠶租葉去  
兒童耘麥荷鋤歸  
散人世襲江湖號  
剗欲溪頭借釣磯

雲門道中

川靄林霏翠欲浮  
散人心事寄沙鷗  
莫投野店孤煙起  
曉涉清溪小蹇愁  
嶺路窮時縈細棧  
山形缺處起重樓  
釣游陳迹渾如昨  
一念悽然不自由

讀書有感

洙泗諸生尊所聞  
豈容兀者亦中分  
焚經競欲愚黔首  
亡史誰能及闕文  
吾道固應千古在  
幾人虛用一生勤  
世間倚相何曾乏  
會與明時誦典墳

六言雜興

世界菴摩勒果聖賢優鉢曇華但解折衷六藝  
何須和會三家

又

夢裏明明周孔胸中歷歷唐虞欲盡致君事業  
先求養氣工夫

又

語道無如孔孟佛莊雖似非同倘有一人領會

何須客滿坐中

又

失馬詎知非福亡羊不妨補牢病裏正須周易  
醉中却要離騷

又

舉足加劉公腹引手將孫郎鬚士氣日趨委靡  
賴有二君埽除

又

廣平作梅花賦少陵無海棠詩正自一時偶爾  
俗人平地生疑

又

瘦馬羸僮道路清泉白石山林常得有衣換酒  
不愁無法燒金

又

一夜雨來可佈五更雲散無餘傳舍僧窗雖異  
不妨隨處觀書

又

熟讀大小止觀精息內外黃庭直使超然有得  
豈若淵源六經

春晚出遊

風急名花紛絳雪土鬆香草出瑤簪且呼野艇  
西村去未必微雲便作陰

又

王孫草生與階齊女郎花發乳鸞啼街頭賣酒

處處賤信脚覓醉無東西

又

柳暗人家水滿陂放翁隨處曳筇枝村溪麥秀  
先歸眠後日暝鳩鳴鵲乳時

又

禹吾無間聖所歎治水殆與天同功三千年事  
一炊頃窆石嵯峨煙靄中

又

岌岌高丘近道邊寂寥翁仲臥荒煙生前意氣  
今何在寒食無人挂紙錢

又

鳴機裂素製春衣煮酒香清雁鶩肥倒社相呼  
共行樂三搥鼓近是船歸



舞南詩集

二十八

沈古階

劔南詩彙目錄

卷第五十七

北窗 幽居雜題四首 題旅舍壁二首 出

行湖山間雜賦四首 上巳 筍絕句 贈

蘇召叟 贈趙去華 道室述懷 春晚

雨中作 晚行湖上 欲卜菴居未有勝

地作詩識之 東窗遣興 獨酌 舟中

作 衰疾 示兒 野興 閒遊四首 炊

NATIONAL CENTRAL LIBRARY, TAIWAN, R.O.C.

米不繼戲作 算行 小雨二首 送辛幼

安殿撰造朝 初夏 自警 枕上 野

步至近村 書懷示子邁 三月三十夜

聞杜宇 夜大雨連明晨起乃知之 聞

虜亂次前輩韻 壯士吟次唐人韻 衰

疾 書日用事二首 初夏出遊 初夏晝

眠 農事稍閒有作 夜雨 朝晴 北

窗 遊山戲作 遣興二首 細雨 初暑

夙興 新堂 卽席四首 生涯 落花

四月廿二日微雨中次前輩韻 夜雨

夏日 久雨二首 舟中 繫船 復雨

書適 村社禱晴有應 題北窗二

晝坐聞牆外人聲殊壞幽思戲作 晨起

行園中 葺舍 次韻林伯玉登臥龍

道室雜詠六首 湖塘夜歸 東軒 夏日

斫膾 野飯 村酒 避雨 雨中短



歌 散懷 南堂 門屋納涼 幽居

露坐 暑中久不把酒盆池千葉白蓮忽

開一枝 欣然小酌因賦絕句

二首

劍南詩彙目錄

卷五十一終

劍南詩彙卷第五十

北窗

老人日夜衰臥起常在背窗間一編書終日聖  
賢對東臯客輸米粲粲珠出碓南山僧餉茶細  
細雪落磴吾兒亦解事稀甲自鉏菜一飢既退  
舍百念皆卷旆閑身去俗遠澄念與道會宿痾  
走二豎美睡造三昧挂冠反布韋上印謝銀艾  
庭中石蒼然此客真度外

幽居雜題

開歲頻風雨，清明氣始和。  
遊山書半廢，耽酒睡常多。  
客去孫登歎，牛疲甯戚歌。  
餘生猶有幾，盡底付漁蓑。

又

雅意元知止，遄歸喜遂初。  
久閑棋格長，多病釣徒疎。  
漬藥三升酒，支頭一束書。  
兒曹看翁嬾，切勿厭蝸廬。

又

忽忽年光逝，悠悠世事非。  
曉猶明績火，晝永啓漁扉。  
施食禽魚熟，疏溝杞菊肥。  
寂寥何所歎，父子自相依。

又

獨往成初志，安居謝世務。  
名書硬黃紙，古硯熨焦紋。  
雨作占琴薦，風來散鷺群。  
豈無朝市事，塞耳未曾聞。

題旅舍壁

泥淖停牛屋風埃坐簀牀絳人難諱老楚客自  
嫌狂浪迹江湖大回頭日月長村村有餅餌正  
可不齎糧

又

地曠風號木天高日脫雲村名步頭換縣界驛  
前分蒿艾春侵路雞豚莫識群敲門就炊爨一  
飯敢忘君

出行湖山間雜賦

老入新年健春逢小雨晴偶因尋酒去又作繞  
村行塘水蒼鵝戲郊原黃犢鳴閑身有樂事倚  
杖看農耕

又

新釀學鵝黃幽花作蜜香客邀閑卽去病起醉  
何傷野寺無晨粥村伶有夜場吾心靜如水隨  
事當年光

又

徑繞茶岡北橋連芡浦東蟲鏤烏柏葉露溼豨  
歛叢燒地春蕪綠魚扉夕照紅君恩那可報惟  
是祝年豐

又

魚市蕪風口蕪風溪港名茶村穀雨前柳邊煙掩苒  
堤上艸芊眠墓掃鴉銜肉人歸鷺導船東風吹  
短髮得句為誰妍

上已

殘年登八十佳日遇重三簾幙低新燕房櫳起  
晚蠶名花紅滿舫美醞綠盈甌春事還如昨衰  
懷自不堪

筍絕句

剡仙閱世獨清癯雪谷水谿老不枯輸與錦棚  
孩子輩千金一束入天厨

贈蘇召叟

蘇子出儔輩，翩如天際鴻。才華刮眼膜，文字愈頭風。豈止千人見，真當四海空。老夫雖耄矣，此論不妨公。

贈趙去莖

趙子毫端萬斛珠，眼前百輩不枝梧。盛名豈待它年見，公論何曾一日無。我老杜門惟足睡，君豪折簡固難呼。此詩強欲相題目，堪笑衰翁膽滿軀。

道室述懷

養心功用在還嬰，肯使秋毫有妄情。二寸藤冠狂道士，一編蠹簡老書生。狐妖從汝作人立，金價狂吾如土輕。地肺終嫌近朝市，明年泝峽上青城。

春晚雨中作

冉冉流年不貸人，東園青杏又嘗新。方書無藥醫治老，風雨何心斷送春。樂事久歸孤枕夢，酒

痕空伴素衣塵畏途回首濤瀾惡賴有雲山著  
此身

晚行湖上

飽來捫腹繞村嬉北陌東阡信所之女手采餘  
桑鬱鬱煙蕪生遍冢纍纍高林日暮無鶯語淡  
巷人歸有犬隨東走郡城逾十里好風勞送角  
聲悲

欲卜菴居未有勝地作詩識之

破裘百結鬢垂蓬旋過流年旋已空魔眷屬如  
雲盡散性光明似日方中極知萬事不勞問欲  
住一菴誰與同會向巢居明月夜五弦橫膝寫  
松風

東窗遣興

東窗徙倚當閑遊水長池魚自滿溝花氣襲人  
渾欲醉鳥聲喚客又成愁百年光景輸欵枕萬  
里風煙入倚樓欲寫烏絲還嬾去詩名老去判

悠悠

獨酌

一榼芳醪手自斟從來戶小怯杯深已於醉醒  
知狂聖又向淳漓見古今濡首固非吾輩事達  
生猶得管人心醪醑欲過香差減且據胡牀坐  
綠陰

舟中作

誤長僊蓬不滿年恩容歸老白雲邊艸枯病馬

停朝秣

予已納秣

水冷鰥魚廢夜眠混俗豈須名赫

赫耐嘲唯可腹便便柯橋梅市花俱好且典春  
衣醉放顛

衰疾

衰疾憐新鬼狂豪尙故吾棊常先客著行不許  
兒扶硯潤閑蟾滴香殘冷鴨爐自憐風味在尙  
欲泛江湖

示兒

聞義貴能徙見賢思與齊食嘗甘脫粟起不待  
鳴雞蕭索園官菜酸寒太學齋時時語兒子未  
用厭鉏犁

野興

溪漲侵菴路山光壓釣磯荒畦荷鉏去小艇載  
犁歸世態那堪看吾言可自違從今謝人事終  
日掩荆扉

閑遊

遊徧名山日月長結廬歸占水雲鄉醉中卽是  
逃名地閑外應無度世方檜蜜滿脾餘小苦木  
苗浥露有奇香肺腸自與人間別堪笑醅缸與  
飯囊

又

高會揮金媿二疎食貧只似布衣初終年老健  
緣儲藥隨分窮忙爲著書弔古何時過梁宋題  
詩且欲徧衡廬不須更擬棄風去水有煙帆陸



筍輿

又

過盡僧家到店家山形四合路三叉清明漿美  
村村賣穀雨茶香院院誇困臥幽窗身化蝶醉  
題素壁字棲鷓夕陽不盡青鞋與小立風前鬢  
脚斜

又

夙興晨食戒山行策蹇迢迢過故城露葉未乾  
明曉日風蒲初勁借秋聲綠陰渡口孤鶯語白  
水陂頭兩犢耕遙望炊煙疑可憩試從行路問  
村名

炊米不繼戲作

敢羨晨興費萬錢口邊縱理信前緣高年雖獲  
殿諸老一飽常如登九天架上有書吾已矣甑  
中無飯亦陶然蓬門一閉還旬日實怕閑人攪  
晝眠

算行

志士能輕萬戶封野人自愛一枝筇行躑綠岸  
呼船渡糴得黃梁就碓舂林外人家明遠火月  
邊僧閣下疎鐘江村不用愁孤絕小店茅簷儘  
見容

小雨

小雨過巖扃殘雲傍野亭花光相映發鶯語苦  
叮嚀舉酒和神氣彈琴悅性靈索居朋友絕得

句遣誰聽

又

急雨方侵幔斜暉忽滿廊塵清添艸色衣潤省  
篝香婦織將收繭農功已下秧諸孫入家塾親  
爲授三蒼

送辛幼安殿撰造朝

稼軒落筆凌鮑謝退避聲名稱學稼十年高臥  
不出門參透南宗教牛話功名固是券內事且

金剛山志卷一 十一 汲古閣  
葺園廬了婚嫁千篇昌谷詩滿囊萬卷鄴侯書  
插架忽然起冠東諸侯黃旗皂纛從天下聖朝  
仄席意未快尺一東來煩促駕大材小用古所  
歎管仲蕭何實流亞天山挂旆或少須先挽銀  
河洗蒿華中原麟鳳爭自奮殘虜犬羊何足嚇  
但令小試出緒餘青史英豪可雄跨古來立事  
戒輕發往往讒夫出蔡罅深仇積憤狂逆胡不  
用追思灞亭夜

初夏

白白養筒美青青米果新  
蜀人名粽爲養筒吳中名拒妝爲米果  
衰遲重時節薄少遍鄉鄰梅市花成幄蘭亭州  
作茵極知歡意盡強起伴遊人

自警

放翁原憤憤徂歲復駸駸社櫟終無用秋蟲漫  
苦吟拍蚊違殺戒引水動機心老耄誰規我忠  
言抵萬金

枕上

病叟少安枕驚禽無穩棲慵占買誼鵬空感祖  
生雞野勢風號北窗痕月過西元非破賊手只

合架牛犁

山中惟梟鳴終夜雞三  
鳴後聞架犁則旦矣

野步至近村

耳目康寧手足輕村墟艸市徧經行孝經章裏  
觀初學麥飯香中喜太平婦女相呼同夜績比  
隣竭作事春耕勿言野饁無鹽酪筍蕨何妨淡

煮羹

書懷示子適

平生山林幾緡屐何意隨人戴朝幘口言報國  
直妄耳斷簡圍坐晨至夕道山堂東直廬冷手  
種疎篁半窗碧但虞風波起平地豈有毫髮能  
補益成書朝奏暮請老入耳幸免煩言噴東望  
故山百餘里父老歡忻來接跡白羊綠酒爭下  
擔長笛腰鼓紛如織迢迢梅市過魯墟觀者所

至空巷陌爾來呻吟又春盡周視室中惟四壁  
但令糲飯麤撐拄猶勝朱門常踈踏小兒助我  
理孤學終歲伏几心如石問看飲酒詠離騷何  
似焚香對周易

三月三十夜聞杜宇

斗轉春歸不自由韶華已逐水東流子規獨抱  
區區意血淚交零曉未休

夜大雨連明晨起乃知之

黃紬被穩枕慵移夜雨淋浪了不知水長壞陂  
初復後鳩鳴去婦却還時芳蹊入夏多青子白  
髮今年有黑絲剗欲披衣湖上去滿村芳艸正  
離離

聞虜亂次前輩韻

中原管喪亂豺虎厭人肉輦金輪虜庭耳目久  
習熟不知貪殘性搏噬何日足至今磊落人淚  
盡以血續後生志撫薄誰辦新亭哭藝祖有聖

謨嗚呼寧忍讀

藝祖嘗爲大宋一統四字賜大臣今藏秘閣

壯士吟次唐人韻

士厭貧賤思起家富貴何在髮已華不如爲國  
戍萬里大寒破肉風卷沙誓捐一死報天子兜  
鍪如箕鎧如水男兒墮地射四方安能山棲效  
園綺塞雲漠漠黃河淡涼州新城高十尋風殮  
露宿寧非苦且試平生鐵石心

衰疾

衰疾猶能飯一簞尊絲菰首亦加餐舊叨刻印  
俄銷印老媿彈冠亟挂冠自怪稽康如許嬾人  
憐范叔不勝寒得錢剗買青芒屨采藥名山興  
未闌

書日用事

左右數書冊朝夕一艸堂家貧自能儉病愈不  
求方盛饌豚肩美常庖筍茁香園丁報花坼亦  
復命壺觴

又

一裘良已暖半菽可無飢養氣戒多語端居如  
有息私心須自勝已過遣誰知耄齒尤當勉常  
憂寸晷移

初夏出遊

去去衝朝霧行行弄夕霏移秧晴竭作坐社醉  
扶歸細艸迷行徑殘花點釣磯犂牛將犢過雄  
雉挾雌飛野寺煙鐘遠村墟績火微諸孫殊可

念相喚候柴扉

初夏晝眠

好景逢初夏閑身得晝眠書橫竹架上冠墮素  
屏前葱蒨小山桂潏浚幽竇泉危巢出乳燕高  
樹集新蟬強健關天命逍遙近地仙晚窗思茗  
飲自取雪芽煎

農事稍閒有作

架犁架犁喚春農布穀布穀督歲功黃雲壓檐

風日美綠針插水霧雨濛年豐遠近笑語樂浦  
漲縱橫舟楫通東家築室窗戶綠西舍迎婦花  
扇紅我方祭竈徹豚酒盤箸亦復呼隣翁客歸  
我起何所作孝經論語教兒童教兒童莫忽忽  
願汝日夜勤磨礪烏巾白紵待至公

夜雨

暮雨蕭蕭集瓦溝空階點滴送清愁何由乞得  
須臾睡直到窗明滴未休

朝晴

宿雨初收雲四歸小山艸木麗朝暉翩然雙鵲  
從簷下言語分明訴溼衣

北窗

簾影參差午漏前盆山綠潤雨餘天詩無傑句  
真衰矣酒俗朱顏却悵然海燕理巢知再乳吳  
蠶放食過三眠名泉不負吾兒意一掬丁坑手

自煎

子虞寄惠山泉丁坑蓋日鑄流亞也

初雨詩集

卷之五七

及古閣



遊山戲作

晚境頻辭祿窮居旋學耕量衰添酒敵才盡減  
詩名風月成交友溪山管送迎登車兩先止天  
豈相吾行

遣興

眊眊鳴鳩莫笑渠百年我亦旋枝梧病知藥物  
難爲驗老覺人間不足娛茆屋何妨度寒暑蔬  
餐且可遣朝晡釣船一出無尋處干頃江邊雪

色蘆

又

老荷君恩許醉眠散人名號媿妨賢久叨物外  
清閑福麤識詩中造化權風月四時隨指顧乾  
坤一氣入陶甄新秋更欲浮滄海臥看雲帆萬  
里天

細雨

細雨重雲漸入梅陰陰門巷長新槐壯心已與

年俱逝脫髮應無術可裁美睡常嫌鶯喚起清  
愁却要酒闌回年來百事非平簪信手題詩懶  
剪裁

初暑

槐陰清潤麥風涼一枕閑眠晝漏長山鵲喜晴  
當戶語海桐帶露入簾香酒緣久病常辭酌茶  
爲前街偶得嘗雲北雲南動遊興速呼小豎治  
輕裝

夙興

夙興短蓬髮幽步豁煩襟翠碧信闌角鰲黃語  
柳陰書殘頻補緝琴廢細追尋未是全無事猶  
堪養道心

新堂

湖上新堂氣疎豁三面嵐光翠如潑都門歸來  
病相屬鄰里怪我間何濶蓴絲作羹飯雕胡厨  
人斫鱸藝絕殊何由喚得左元放銀盤釣出松

江鱸

卽席

穉荷出水榴花開長笛圓鼙送舉杯村鄰相樂  
君勿笑要是安健無凶災

又

醉中起舞遞相屬坐上戴花常作先要知吾輩  
不凡處一吸已乾雙玉船

又

長魚腹腴羊膋臠饒想久矣無秋毫今朝林下  
煨苔筍更覺此君風味高

又

小山榴花照眼明青梅自墮時有聲柳橋東岸  
倚筇立聊借水風吹宿醒

生涯

久矣冥行墮嶮巖樂哉偶得謝招麾放懷身世  
相忘地夙駕山林獨往時縱老豈容妨痛飲更

慵亦未廢新詩超然自喜生涯別始歎龜堂見  
事遲

落花

桃李擅春事醱醖爲之殿豈不欲周旋過日如  
掣電大風連三月吹盡無餘片留之豈有策佇  
立情眷眷空令腸九回竟欠語一轉流年付芳  
艸樽酒孤勝踐鶯聲入碧雲簾影滿淡院消  
綠陰間風流屬團扇

四月廿二日微雨中次前輩韻

語訛覺齒疎冠倒感髮稀屢爲曼容免遂賦淵  
明歸今日天氣佳雨絲弄斜暉起居惟所適單  
複時易衣出遊叩僧廬歸臥掩漁扉一笑顧兒  
子正爾良未非

夜雨

點滴茅檐雨長宵不肯晴殘缸待雞唱倦枕厭  
梟鳴已踐衰殘境況兼羈旅情晨興亦何事推

髻繞廊行

夏日

入戶桐陰漸覆牀  
乍敷笛簟北窗涼  
筠枝倚壁知身健  
衣焙殘香覺日長  
雨霽斷雲時聚散  
風來織艸久低昂  
蝶衣粉溼猶飛嬾  
小駐闌干就夕陽

久雨

梅子青青苦未黃  
經旬積雨欲頽牆  
蠹生書帙時須火  
潤入衣篝刺得香  
鄰舍相逢驚間濶  
通宵不寐聽淋浪  
定知又發韓公笑  
有底鳴蛙兩股長

又

梅天一日幾陰晴  
對酒無聊醉不成  
巧曆莫能知雨點  
孤桐那解寫溪聲  
林深鳥爵來無數  
艸茂鋤耰去卽生  
明日雲開天萬里  
御風吾欲過青城

舟中

青楓湖上村綠蓑舟中客雲興山疊見海近地  
勢坼悠然滄洲趣宛與塵世隔雖云食不足麤  
免婚嫁責渥丹未辭鏡衰白幸滿幘明當鼓枻  
行放浪窮七澤

繫船

高樹滴殘雨叢蘆生夕風情遊貧有自老鈍學  
無功歲月詩編裏江湖旅色中煙村繫船處邂  
逅得漁翁

復雨

催喚兒童掃綠苔長歌清嘯興悠哉林間子墮  
知梅熟水面痕生驗雨來往事已成孤枕夢故  
人誰笑一樽開自憐未負年華在素扇團團月  
樣裁

書適

清和巷陌單衣後綠潤軒窗午餉餘曲曲素屏

圍倦枕斜斜筠架閣殘書松陰坐石閑看鶴山  
寺尋僧晚跨驢此段家風君試看京塵撲帽獨  
何歎

村社禱晴有應

叢祠牲酒走村村賴是龍歸爲解紛爽氣收回  
騎月雨俗謂二十四五間有雨往快風散盡滿  
天雲數峯縹緲如屏面一瀟漣漪作簟紋猶勝  
楚人簫鼓裏九歌哀怨下湘君

題北窗

東擔還山讀舊書斷編終日見唐虞千莖白髮  
年華速一點青燈夜漏徂厚價異時空市骨大  
呼從管不成盧細息天賦原非薄躡步門前萬  
頃湖

又

不嗔人作腐儒看斷簡堆中興未闌更事愈懷  
憂國切苦心始覺著書難流泉激激人聲遠修

竹蕭蕭暑令寒四海諸公常共處北窗何地著  
身寬

晝坐聞牆外人聲殊敗幽思戲作

老人氣衰凋髮齒歲月翩翩來有幾晨興食米  
不一溢日課讀書猶十紙雖云喧寂無二觀終  
嫌蜩螿喧吾耳亟起振衣欲出門赤日當空汗  
如洗撥灰未炷瓦爐香汲井先換銅匱水也勝  
太史落南時短檠夜對屠牛机

黃魯直目二丘遷  
宜州時夜寓市

中直屠牛之机  
用雞毛筆作字

晨起行園中

老病厭囂煩晨興步小園草淡移舊路竹茂失  
頽垣未暇從魚樂惟思與石言人家尋每得拄  
杖印苔痕

葺舍

蟻知將雨先移穴燕護新雛迭守巢補漏支傾  
吾可笑呼奴藥屋更添茅



次韻林伯玉登臥龍

一紙臨門喜欲顛  
詞源滾滾瀉長川  
旗旄外闔新元帥  
風月名山古洞天  
自笑屏居依近郭  
每煩登望指孤煙  
雄篇三復空與歎  
窮乃工詩似不然

道室雜詠

精神有限惟當嗇  
造化無心不汝移  
此事安須知決擇  
雞鳴勿後老人期

又

黃褐長條七尺身  
袖中一劍隱紅塵  
城門萬屢日來往  
衆裏安知無此人

又

冰霜難與夏蟲語  
晦朔豈容朝菌知  
忿慾至前能小忍  
人人券內有期頤

又

萬法元須一理通  
長生極治本同功  
廣成千歲

無它術祇在唐虞二典中

又

莫緣侯印學陰謀  
生世惟須一釣舟  
輕用鎬鄒終折缺  
善刀何止解千牛

又

放翁毫齒猶朱顏  
一物不留方寸間  
已吞八九雲夢澤  
更著百億須彌山

湖塘夜歸

漁翁江上佩冬簪  
一卷新傳范蠡經  
鬱鬱林間桑椹紫  
芒芒水面稻苗青  
雲邊築舍分南北  
陌上逢人半醉醒  
莫恨西村歸路遠  
行前點點有飛螢

東軒

僻巷地無喧  
閑人慮不煩  
刺舟回北渚  
岸幘倚東軒  
乳鵲行苔徑  
馴麀觸筍藩  
作勞憐野老  
喚取倒清樽

初有詩集

卷之五七

及五

夏日

例謝門前客淡藏篋裏書衣穿但重補飯足不  
求餘山溜鳴庭際藤陰接屋除何勞厭三伏俯  
仰卽秋初

斫膾

玉盤行膾簇青紅輸與山家淡煮菘菘要識坐堂  
哀靱鯨試來臨水看鯨喙

野飯

六十日白可續飯三千年清何與人堪笑此翁  
頑似鐵還山又食一番新

村酒

亂山落日漁歌長平疇遠風粳稻香酒旗搖搖  
截官道歸家未遲君試嘗

避雨

雲如壞山欲寒每樹似奇鬼將搏人急投民家  
雨隨至燎衣不覺雞唱晨

雨中短歌

昨夕雨大如車軸今日雨細如牛毛人言愈細  
愈澤物天公爲此非徒勞泥濘入市路欲絕壞  
簷敗壁風蕭騷豈惟鼃龜矜得意坐覺藜莠無  
由孳剝牀侯爨嗟婢子持傘上學憐兒曹村場  
酒貴賒不得且解布囊尋弊袍

散懷

少年已遂遯山林何況霜毛兩鬢侵習氣尙存  
詩入夢病根未去藥關心猿知秋近啼先苦鶴  
聞年多頂漸深不忍頓疎風月在麤能扶杖卽  
登臨

南堂

空堂寂寂暑氣清祇有燕雀無人聲雲頭忽移  
簾影失雨點亂集荷盤傾溝坑水溢魚鱉喜庭  
戶風送蛟龍腥衣巾汗垢爲一洗呼奴舉榻臨  
前檻取泉石井試日鑄吾詩邂逅亦已成何由

探借中秋月與子同遊白玉京

門屋納涼

機裂齊紈如素月牀敷蘄簟起微瀾行人遠不  
分睂目過鳥高猶響羽翰新長庭槐夾門綠無  
窮陂稻際天寬今年項里楊梅熟火齊驪珠已  
滿盤

幽居

孤村野徑不曾鋤惡艸從來一寸無每爲遊魚  
疏港瀆更緣啼鳥植楸梧閑門猶有僧時到殘  
產渾無賦未輸浪走人間真誤計算年猶足補  
東隅

露坐

殘月久方上幽花時自零風枝驚宿鳥露草溼  
流螢浩氣吞雲夢危途塞井陘菱歌何處起及  
我醉初醒

暑中久不把酒盆池千葉白蓮忽開一枝

欣然小酌因賦絕句

千葉芙蓉白玉膚一樽沆瀣碧琳腴極知俱出  
氛埃外我亦秋風山澤臞

又

我讀淵明止酒篇知渠未識玉池僊誰言見面  
無多子高壓天魔萬二千

劔南詩豪卷第五十七

劔南詩彙目錄

卷第五十八

老馬 大熱 大雨 午睡 書意 卜

居三山已四十年矣暇日有感聊賦五字

二首 北窗 睡起已亭午終日涼甚有賦

殘雨 溪上避暑二首 龜堂避暑 旅

舍偶題 溪月 砭愚 雜興十首 病瘡

兩作而愈 露坐 戲詠 初秋書感

湖上 枕上 書懷 游昭牛圖 唐希

雅雪鵲 菖蒲 吾廬東北皆修竹茂林

羽族來栖者不可數計感而有作 秋夜

聞蘭亭天章寺鐘 聞雨 徒行短歌次

前輩韻 江樓次前輩韻 七月四日夜

賦 出近村婦偶作 送子修入閩 書

志 秋雨 雨後涼甚 屏迹二首 書事

四首 雨後 幽居 書事 秋夜感遇十

首以孤村一犬吠殘月幾人行為韻 州

書歌 自傲 新秋二首 憫俗 塊坐

中有感 新涼示子適時子適將有臨安

之行 秋雨二首 講學 野興四首 示元

敏 八月四日夜夢中作 明日復理夢

中意作 又明日復作長句自規 示子

孫 秋夕 徂歲 村居遣興三首 甲子

秋八月偶息出遊往往累日不能歸或遠



劍南詩集 二  
至傍縣凡得絕句十有二首雜錄入彙中  
亦不復詮次也

劍南詩彙目錄

卷五  
八目

劍南詩彙卷第五十八

老馬

貧家畜老馬枯萁風雨噍本非百金產安用三  
品料馬固忘華厩士亦安蓬藿兩窮適相遭萬  
事付一笑少游御款段作計無此妙可憐杜陵  
翁妄想追風驃

大熱

五月頗閔雨炎風吹旱塵氣羸不給喘流汗沾

劍南詩集

卷之五十八

及五月

衣巾呼婢使具浴報以未買薪汝事雖不恪亦  
坐乃翁貧汲井掬寒泉白足忘我嗔譬如寓逆  
旅百事聽主人

### 大雨

今年景氣佳有禱神必會時時雖閔雨顧盼卽  
霑洽餘地千里間四月秧盡插季夏雨三日溲  
爽欲忘筮潄水如塞河決水如放閘几席亂蠶  
窟庭除泳鵝鴨舍邊魚受釣戶外鷗可狎飛螢  
最得意終夕自開闔蕭蕭菰蒲聲恍若船入夾  
嗟予亦耐事堅坐書滿榻懸知穰稔收已足僕  
伏臘會約張志和清風泛茗雲

### 午睡

梅黃雨足喜初晴投枕華胥夢已戍帳底香雲  
凝未散手中書卷墮無聲簟紋似水飛蠅避鼻  
息如雷稚子驚癡腹便便竟何有已將嘲弄付  
諸生

書意

疎慵久已臥郊扉暫出人間輒免歸  
楚志放花常恨晚士師分鹿又成非  
平生舊學寧當負同志良箴亦重違  
說與吾兒勤念此負禾勿恨露沾衣

卜居三山已四十年矣暇日有感聊賦五字

薄宦非初志幽居不計年  
稚松成偃蓋小豎亦  
華顛生理憑耕稼光陰付醉眠  
從來慕園綺一著要爭先

又

泥古衰猶學閑荒夜亦耕  
屋芟生艸蓋釜擷野蔬烹白稻  
雨中熟黃鸝桑下鳴殘雲忽吐日喜對小窗明

北窗

北窗無俗物三伏有餘涼  
玉麈消長日風漪可

短髮颼颼徹頂涼  
悠哉隨處據胡牀  
但憐鵲影翻殘月  
不恨蟬聲送夕陽  
門巷陰陰桐葉暗  
汀洲漠漠藕花香  
寓形宇內終煩促  
安得騎鯨下大荒

龜堂避暑

縹緲紗幮覆象牀  
蠻童擎粥進黃梁  
硯池湛湛一泓墨  
衣焙霏霏半篆香  
團扇題詩無滯思  
清泉灑地有餘涼  
更須風伯開雲陣  
準擬今宵月

滿廊

旅舍偶題

野店山橋策蹇驢  
浩然聊喜遂吾初  
童顏幾歲已辭鏡  
胎髮今朝還入梳  
小瓮謾營秋社酒  
斷編閑理小年書  
白雲可笑猶多事  
常向人間耐卷舒

溪月

天風吹髮冷颼颼  
獨向沙邊上釣舟  
愁絕平羌

尋常債也勝人求本分官

又

冰壺冷浸玉芙蓉三伏炎蒸一點無淨洗硯池  
瀦墨潘蔡涼要畚故人書

又

硯傳百歲璽闕角筆擅一時錐出囊

予所用硯  
百年前物

一角微闕筆姑  
蘇能憲作頗佳紙欲窮時瘦蛟舉已看雷雨跨  
蒼茫

又

扁舟夜載石帆月雙履曉穿天柱雲八十老翁  
能辦此不須身將渡遼軍

謂李  
勣

又

犀象本安山海遠梗楠豈願棟梁材伏波病困  
壺頭日應有嚴光入夢來

又

粟無人餽方差快門有僧敲未絕幽豈是耄荒

淡絕物從來不慣惹閑愁

又

瞿聃楊墨寧非學治獄行兵亦有師惟是儒生  
知擇術百年窮達守書詩

病瘧兩作而愈

久出天魔境胡爲瘧鬼來亦知無妄疾畢竟不  
爲災引睡須書卷支羸賴粥杯微風起秋色樽  
酒亦時開

露坐

略約方塘北簷管小塹東荷盤傾夕露茨菰坼  
秋風磔磔禽移樹芒芒月墮空詩材隨處足盡  
付苦吟中

戲詠

歲曆還逾半人生但可悲此身猶老健隨處且  
兒嬉累瓦初成墪埋盆又作池惟應上庭樹不  
及髭髦時

初秋書感

流年冉冉不容追，餘息厭厭只自知。  
馬革裹尸違壯志，鹿門采藥卜幽期。  
林蟬委蛻仙何遠，巢燕成雛去已遲。  
觸事爾來多感槩，北窗閑賦早秋詩。

湖上

石帆山下舊苔磯，回首平生念念非。  
秋早明河低接地，夜深白露冷侵衣。  
風生古戍笳爭發，月

過橫塘鵲獨飛，却看宦途傾奪地。  
恍然敗將脫重圍。

枕上

紗幮竹簟不勝清，臥看殘缸翳復明。  
兩樹梧桐鳴急雨，一林鸚鵡噪疎更。  
靜無狂蝶妨幽夢，懶有群鷗責舊盟。  
待旦欲尋梅市路，小舟先向步頭橫。

書懷

無事自能心太平有爲終蔽性光明  
史膚脫盡見真理梁肉掃空甘菜羹  
處處浮家成野宿時策蹇作山行  
平生常笑羊裘老史冊猶存後世名

游昭牛圖

游昭木石師李唐畫牛乃自其所長  
出欄初聽一聲笛意氣已無千頃荒  
客居京口老益困衣不揜脛鬚眉蒼  
時時弄筆眼力健蹏角毛骨分毫芒

我無沙隄金絡馬拂拭此幅喜欲狂  
乞骸幸蒙優詔許置身忽在煙林傍  
日落飲牛水滿塘夜半飯牛天雨霜  
俚醫灌藥美水艸老巫訶禁被不祥願  
我孫子勤農桑願汝生犢筋脉強  
碓聲驚破五更夢歲負玉粒輸官倉

唐希雅雪鵲

烈風大雪吞江湖巨木摧折竹葦枯  
鳥鳥瑟縮墮地死豈復能顧卵  
與雛棘枝拔出亂石罅凜



凜生氣獨有餘耐寒兩鵲亦異稟羽族有此山  
澤癯神凝氣勁中自足不待晴日相嗚呼淡知  
畫手亦怪偉用意直刮造化爐毳毛雖細爪翮  
健落筆豈獨今所無我評此畫如奇書顏筋柳  
骨追歐虞

菖蒲

雁山菖蒲崑山石陳叟持來慰幽寂寸根蹙密  
九節瘦一拳突兀千金直清泉碧缶相發揮高

僧野人動顏色盆山蒼然日在眼此物一來俱  
掃迹根蟠葉茂看愈好向來恨不相從早所嗟  
我亦飽風霜養氣無功日衰槁

吾廬東北皆修竹茂木羽族來栖者不可  
數計感而有作

遶舍皆茂林萬數栖鳥雀詰旦輒爭鳴未暝紛  
已泊清陰交欲暗丹實熟可啄吾廬少人迹媿  
爾肯見託雖無惠養德亦免彈射虐結巢俯可

窺淳風今豈薄

秋夜聞蘭亭天章寺鐘

絕湖上蘭亭不過一炊頃湖廢繚隄行往返常  
畢景猶有古寺鐘迢迢下重嶺煙雲含莽蒼風  
露英淒冷蕭然艸堂臥度此清夜永百念一洗  
空於焉發淡省

閔雨

歲秋固多雨每恨不及時黃塵蔽赤日苗槁已

不遲踏車聲如雷力盡真何爲天豈不念民雲  
族風散之窮民守稼泣便恐化棘茨妻子不望  
活所懼尊老飢我願上天仁顧哀民語悲鞭龍  
起風霆尙繼豐年詩

徒行短歌次前輩韻

風吹短衣雙鬢白老人徒步歸鄉國數樹丹楓  
野店西一川紅蓼溪橋北芒屨有賣百無憂過  
盡青山到渡頭更求款段真多事堪笑當年馬

少游

江樓次前輩韻

一日千回上庭樹城南尚記嬉遊處俯仰人間  
八十年鏡中未許朱顏去甲第侵雲多貴人朝  
回撲帽軟紅塵江樓月夜吹長笛誰似儂家不  
負身

七月四日夜賦

樓角西南月一鉤晚瓜落刃酒新篘仙家又愴

銀河別太史新班玉曆秋衰病歲時良冉冉窮  
愁身世轉悠悠莫因乞巧嘲兒女我亦飄然水  
上浮

出近村歸偶作

朝騎小蹇涉煙村擁路爭看八十身似我猶爲  
一好漢問君曾見幾閑人楊梅線紫開園晚蓴  
菜絲長入市新莫笑堅頑推不倒天教日日享  
常珍

送子修入閩

士生萬里合鵬搏憔悴青衫且自寬薄祿及親  
雖笑喜遠途將父亦誠難關山可厭風塵惡蓬  
華應思菽水歡只道耄年心似鐵詩成也作鼻  
辛酸

書志

飲水蕭然臥曲肱桑村麥野醉騰騰老身長子  
知無憾泛宅浮家苦未能南畝服勞勝乞食腐  
儒垂死恥依僧柴荆常閉斜陽裏剥啄雖聞亦  
懶應

秋雨

雨聲疎復密窗影暗還明赤米香炊飯青蔬淡  
鬻羹閑中長棋格病後減詩情惟有桑麻事鄰  
翁與細評

雨後涼甚

竝海寬閑野清秋搖落天微涼供美睡穩字入

新聯陋屋蕭蕭雨修筒細細泉晚窗生酒興洗  
酌一陶然

屏迹

屏迹亂山中觀身槁木同桑麻安舊業薪水付  
村童不散嬰兒樸常存太古風一錢無用處那  
復計囊空

又

飯熟起開鉢困來徐倒牀無狂安取聖有短始

知長養道褐懷玉露才錐出囊聊須喚兒稚細  
細話耕桑

書事

聞道輿圖次第還黃河依舊抱潼關會當小駐  
平戎帳饒益南亭看華山

饒益寺南亭盡  
得太華之勝

又

關中父老望王師想見壺漿滿路時寂寞西溪  
衰艸裏斷碑猶有少陵詩

華州西溪即老杜  
所謂鄭縣亭子者

又

鳴綠桑乾盡漢天傳烽自合過祁連功名在子  
何殊我惟恨無人快著鞭

又

九天清蹕響春雷百萬貔貅扈駕回不獨雨師  
先灑道汴流袞袞入淮來

雨後

雨後涼生病體輕閑拖拄杖出門行槐花落盡

桐陰薄時有殘蟬一兩聲

幽居

早歲猶奇怪中年痛掃除華堂棊陸廢名馬宴  
遊疎散帙身忘倦畦蔬手自鋤寥寥千載後誰  
此訪幽居

書事

北征談笑取關河盟府何人策戰多掃盡煙塵  
歸鐵馬剪空荆棘出銅駝史臣歷紀平戎策壯

士遙傳入塞歌自笑書生無寸效十年枉是枕  
瑯戈

秋夜感遇十首以孤村一犬吠殘月幾人  
行爲韻

月生東山口宿鳥驚相呼我起立蒼茫恍在白  
玉壺飢鶻掠危巢大魚躍平湖作意賦新詩佳  
夕不可孤

又

今日天氣佳駕言適山村種枳作短籬疊石成  
高垣牲酒賽秋社簫鼓迎新婚所願在仕者努  
力蘇元元

又

長康有三絕吾獨得其一寓世八十年一癡萬  
事畢世間所謂黠正類禪中蟲燂湯會有時爲  
計誰得失

又

我夢遊異境烏帽跨小蹇桑麻夾阡陌山川曠  
何遠俗有太古風蕭散到雞犬鍾鳴忽驚覺所  
造恨猶淺

又

竭作朝築陂獨勞苴鉏菜艸煙欄犢臥船響籬  
犬吠殘年迫耄及農事不敢廢兒曹強學餘努  
力事春磴

又

頽曆如昨日俯仰芳歲殘蜩螿方鳴秋礎杵已  
戒寒書生賦予薄何適不艱難梁肉固所美食  
淡心始安

又

前年蒙趣召渡江當六月顧慙衰病軀觸熱朝  
行闕君恩雖屢下恐懼乞骸骨飄然返柴荆所  
愧已黔突

又



劍南詩集 卷八 十八  
海內  
畏首復畏尾吾身其餘幾雖云食不足健決豈  
不偉蓬窗對親舊情話來疊疊何以永今朝沽  
酒刺圈豨

又

晉遇高皇帝同朝多偉人哀哉逝不留君蒿返  
蒼旻存者纔一二相望不得親秋風聞雁過老  
淚霑衣巾

又

唐虞治巍巍沐泗道益明豈知秦漢後佛老起  
縱橫詩書雖僅存韶護無遺聲書生幸有聞未  
死猶力行

艸書歌

吾廬宛在水中沚車馬喧囂那到耳一堂翛然  
臥虛曠蟬聲未斷蟲聲起有時寓意筆硯間跌  
宕犇騰作詼詭徂徠松盡玉池墨雲夢澤乾蟾  
滴水心空萬象提寸毫睥睨醉僧窺長史聯翩

昏鴟斜著壁鬱屈瘦蛟蟠入紙神馳意造起雷  
雨坐覺乾坤真一洗小兒勸我當白珍勿爲門  
生書斐几

自傲

牛解謹藏刀羊亡密補牢達人憂祿厚奇禍出  
名高所要懷全璧寧當恥緼袍世間俱癘疥何  
事苦爬搔

新秋

遠浦平郊弄夕霏曲籬幽徑鎖秋暉馴麋巧占  
蒼苔臥驚鵲斜穿密篠飛浴罷小軒成美睡雨  
餘老火斂餘威未言風月俟詩思汗憤塵衣且  
解圍

又

蟬聲滿院送流年又見秋風到海邊舊友死來  
頻入夢新詩愁絕少成篇步頭野水雙飛鷺林  
外人家一點煙顧影自驚如許瘦囊空無藥起

沉綿

閤俗

蚩蚩之氓不自覺顧笑吾曹安淡薄攜女數千  
行問法腰錢鉅萬仍騎鶴豈知此事不兩得芻  
豢何可參毒藥野狐出林作百態擊下髑髏渠  
自忤老氏五千本清靜揚雄太玄惟寂寞但能  
於此尊所聞萬卷丹經盡糟粕

塊坐齋中有感

敗席凝塵懶拂除況能作意去庭蕪讀書眼力  
衰難強對酒心情薄欲無野寺鍾魚息下檐山  
郵鞍馱憶登途頽然坐睡誰驚覺寂寞西窗日  
又晡

新涼示子適時子適將有臨安之行

竹簟紗幮事已非秋清初換熟縑衣鵲驚山月  
栖還起螢避溪風墮又飛老眼漸昏書懶讀壯  
心雖在事多違夜窗剝欲挑燈語日倚柴門望

汝歸

秋雨

毒熱秋未衰吾廬況淺迫雖云日一浴流汗沾  
衣幘蕭蕭三日雨出此炮烙厄瀟湘應更佳恨  
我無六翮

又

吾廬多美蔭最茂楸與梧百鳥集其間下上更  
嗚呼秋風忽動地搖落日日疎何如澗底松終

歲無榮枯

講學

遷善以美身講學以盡性能爲可行爾用舍固  
有命天方斲斯文魯叟虛歷聘黎元則可哀窮  
死吾何病

野興

來日無多去日遒朱顏那肯爲人留簷聲點滴  
無時雨野氣蒼茫極日秋朝出釣魚來北渚夜

耕驅犢上西疇此心所要常無媿寂寞衡門死  
卽休

又

江湖蕭散葛天民敕放還山一幅巾老夫飢羸  
惟恃粥病來舉動每須人道窮舉世知心少學  
進吾兒著語親更有一端差白慰短檠不作白  
頭新

又

早見高皇宇宙新老年猶作太平民虛名僅可  
欺橫目慙論曾經犯逆鱗原野暮雲低欲雨陂  
湖秋水浩無津蕭條生計君無笑一鉢藜羹敵  
八珍

又

飽見人間行路難暫陪鷓鴣鷺意先闌集仙院裏  
三題石神武門前兩挂冠飢臥了無千里志倦  
飛元怯九霄寒客來莫笑蓬窗陋若比巢居已

太寬

示元敏

學問參千古工夫始一經寧論綬若若且喜佩  
青青汝業方當進吾言要細聽仍須知稼穡勉  
爲國添丁

八月四日夜夢中作

太華巉巖敷水長白驢依舊繫斜陽山溪乳洞  
藥爐冷花發雲房醅瓮香鄰叟一樽迎谷口蠻

童三髻拜溪傍中原俯仰成今古物外自閑人  
自忙

明日復理夢中意作

白盡髭鬚兩頰紅頽然自以放名翁客從謝事  
歸時散詩到無人愛處工高挂蒲帆上黃鶴獨  
吹銅笛過垂虹閑人浪迹由來事那計猿驚蕙  
帳空

又明日復作長句自規

大學淵源不易窮古人立志白童蒙醉猶溫克  
方成德夢亦齋莊始見功痛哭孰能悲陷溺力  
行猶足變雕蟲太空雲翳終當散吾道常如日  
正中

示子孫

累葉爲儒業不隳定知賢傑有生時學須造次  
常於是道豈須更或可離我老已無明日計心  
存猶惜寸陰移巍巍夫子雖天縱禮樂官名盡

有師

秋夕

承學雖云淺初心敢自輕飄零爲祿仕蹭蹬得  
詩名撫事悲長劔懷人感短檠不堪秋雨夕鼓  
角下高城

徂歲

徂歲風煙慘幽居市井遙甌香炊蕙米泉潔煮  
芎苗野廟迎神晚村船過埭囂西窗一樽酒亦

足慰無聊

村居遣興

追數交朋略散亡，臂孱足蹇固其常。一年又見秋風至，孤夢潛隨夜漏長。不辨誦書如倚相，頗能噉飯勝張蒼。回看薄宦成何味，只借朝衫作戲場。

又

萬里征途興已闌，三間破屋住猶寬。山薑著雨房重斂，南燭先霜實半丹。野市秋陰更蕭瑟，書生老瘦轉酸寒。掩關也有消愁處，一卷騷經醉後看。

又

野堂疎豁近江臯，喜見南山秋氣高。野外漸寒群木脫，艸根薄萁百蟲號。築陂濬畝更相勉，伐荻剝桑敢愛勞。亦念耄荒當自佚，欲將世業付兒曹。



甲子秋八月偶思出遊往往累日不能歸  
或遠至傍縣凡得絕句十有二首雜錄入  
彙中亦不復詮次也

齧雪猶能活窖中僧牛亦可隱牆東來歸里社  
當知幸萬卷書邊一老翁

又

小兒緣天摘列宿老子含飴弄穉孫郊居得此  
豈不樂無奈催租人打門

又

早攜書劔三隨計晚辱弓旌四造朝心媿石帆  
山下叟一生不識浙江潮

又

筋骸未廢寧爲老煙火猶通豈是貧時跨一驢  
山縣去園丁野老盡相親

又

耆囊藥笈每隨身問病求占日日新向道不能

渠豈信隨宜酬答免違人

又

藥麤野老偏稱効詩淺山僧妄謂工懷麩裏茶  
來問訊不妨一笑寂寥中

又

家居愈老厭拘纏旅舍僧房意自便乞菜作羹  
殊有味偕牀小憩卽成眠

又

鄉閭敬老意常勤一味甘鮮必見分大哉在前  
無箸食始知富貴本浮雲

又

市樓嘈噴知豐歲驛樹輪囷傲早霜六十年間  
凡幾到剗沽新酒對斜陽

又

燂湯具浴僧窗暖春黍供炊旅甌香自笑平生  
爲客熟關山千里一衣囊

又

胡麻刈罷下麴初引水家家灌晚蔬但有茅簷  
隨處好淵明可獨愛吾廬

又

秋風敗葉委蒼苔小蹇閑遊始此回溪上風煙  
爭晚渡縣前燈火賣新醅

劍南詩彙卷第五十八

虞山毛晉宋本校刊